

წ-63

ეროვნული
ბიბლიოთეკა

გრიტუა სსიპი



№ 5

სახელმწიფო გამომცემლობა—1926 წ.

შინაარსი

1. ამუნდსენის გადაფრენა ჩრდილო პოლიუსზე—სურ.	1
2. პირველი მაისი,—ლექსი კ. ლორთქიფანიძისა	2
3. საიდი და ადინდა,—მოთხრობა მულტატულისა ვ. მ—ისა	2
4. პირველი მაისი,—ლექსი მოწ. მარგალიტა გველესიანის	9
5. თრიალეთის კალთებზე (ლეგენდა და სინამდვილე)—სეზ- მანისა	10
6. მიყვარხარ, დიდო ლიახვო,—ლექსი დ. ელიოზიშვილისა	11
7. წითელი რაინდი (ზლაპარი პიესა)—გენო ყორჩიბაშისა	16
8. პიონერი სოფლად—ლექსი ე. პოლუმორდვინოვისა	20
9. პიონერის პირადი სწავლა—შანისა	21
10. იყავ მზად,—ლექსი დ. ელიოზიშვილისა	22
11. მუშათა ბრძოლა ინგლისში	23
12. გადატრიალება პოლონეთში	25
13. ჩრდილო პოლიუსზე გადაფრენა—ლ. კ—ისა	27
14. გაზეთის ფურცელი (ელექტროცდები, გაგრძელება)—თარ- გმანი თ. ბ—ისა	30
15. შეკერეთ სამგზავრო ჩანთა	31
16. გასართობი: 1) შარადა. 2) ჯადოსნური კვადრატი, 3) ლი- ტერატურულ-გეომეტრიული ამოცანა (და 4) ახსნა	32

სსსიპი... სსსიპი...




1926
მ ა ი ს ი

განათლების სასახლეთა კომისიის სტეფანოვსკის
მთავარმართებლის და ს. ა. ლ. კომპოზიტორის ცენტრ-
ალური კომიტეტის აქრნალი მგეშვიძისათვის.

წელიწადი 3
№ 5


899.962.1(05)
წ-63.

1088



საქართველოს ხალხთა
ბანკი
თბილისი
საქართველოს ბიზნოსი

ამუნდსენის გადაფრენა ჩრდილო პოლიუსზე



აი ის, აი ის,
ჩვენ რომ გვიტაცებდა!
უძლევი რაზმებით
მოდინ, მოდინ...
დროშა, ამხანაგო,
თუნდ ქარს გადაეცი!
ეს ქარი, ეს ქუჩა
საშიში როდია!

გავიდა დროება
ბნელი და უფიცი,
როცა ჩვენ სიცოცხლე
გვეჭირა კბილით!
და მაინც ვიბრძოდით
მშრომელთა გულისთვის,
არად მიგვაჩნდა
მწარე ტკივილები.

გახსოვს, მეგობარო,
ტფილისის გორები,
მალული კრებები...
დაჭერა, ცემა და
ცრემლების მორევი...
და მაინც გვწამდა, რომ
ძლევის ხმას გავისვრიტ.

ასრულდა! მშრომელო,
თქვენს სახელს დიდება,
დიდება მაისის პირველ დღეს
ელვარეს!
თქვენი ხმა მქუხარე
ფრთებს შლის და იზრდება,
და ბრძოლას ჰპირდება
მსოფლიოს უარესს.

დღეს კი ამოვქარგოთ
გულში სიხარული,
გავშალოთ დროშები
პირველი მაისის!
დე, გრძნობით დაიწვას
ეს გული ალური
და ძლევის ნადართი,
სიმღერით აივსოს.

პირველი მაისი,
ჩვენ რომ გვიტაცებდა!!
ქუჩებზე რაზმები
მოდინ, მოდინ!
ჩვენი სიხარული
მზესაც გადავეციტო,
მასაც ანთებულ
თვალეები ჰქონია.

კ. ლორთქიფანიძე.


საიღი და აღინდა.

საიდის მამას კამეჩი ჰყავდა; ის მას ყანას უხნავდა. როდესაც ოლქის უფროსმა ეს კამეჩი ჩამოართვა, საიდის მამას რამოდენიმე დღე სიტყვა არ უთქვამს — ისე ეწყინა. მიწის დამუშავების დრო ახლოვდებოდა. თუ ყანას დროზე არ დახნავ და არ დათესავ, მთელი წელიწადი უბრინჯოდ დარჩები.

საიდის მამა შეფიქრიანდა: უბრინჯობა არც მას შეეძლო, არც მის ცოლს, არც საიდს, რომელიც ჯერ ბავშვი იყო, არც საიდის უფროს დაძმას.

მაგრამ მართო ეს კი არ აწუხებდა საიდის მამას: ვინც მიწის ბეგარას არ გადიხდის, მას სჯის კანონი. მამას ეს ბეგარა გადახდილი არ ჰქონდა. შეშინდა, რომ ოლქის უფროსი მთავარ უფროსთან უჩივლებდა და მასაც დასჯიდნ. ბეგარას კი საიდან გადიხდიდა, თუ ვერ იმუშავებდა?

ამიტომ საიდის მამამ ხანჯალი ამოიღო; ხანჯალი დიდი არაფერი იყო, მაგრამ საიდის მამას უყვარდა, რადგანაც მემკვიდრეობად მიიღო მამისაგან.



ხანჯლის ქარქაში მოვერცხლილი იყო, და ზედ ვერცხლისვე რგოლები ერტყა. ეს ხანჯალი ჩინელ მოვაქრეს მიჰყიდა, მთავარ მოედანზე რომ ვაჭრობდა; აღებული ფულით კამეჩი იყიდა.

საიდი ამ დროს შვიდი წლისა იყო და მალე დაუშევრობდა ახალ კამეჩს. ვამბობ, „დაუშევრობდა“ მეთქი, იმიტომ რომ მათ შორის ნამდვილი მეგობრობა იყო. კამეჩები გასაოცრად ეჩვევიან პატარა იავაელებს, თავიანთ მომვლელებს და მზრუნველებს. ძლიერი ცხოველი პატარა ბავშვის სურვილით მოარჩილად აბრუნებს თავს მარჯვნისაკენ, მარცხნისაკენ, ან ქვევით. ის კარგად იცნობს თავის პატარა პატრონს, მსთანაა შეზრდილი, უყვარს ის და ესმის მისი.

ასეთი მეგობრობა გაჩაღდა მალე საიდსა და ახალ კამეჩს შორის. საიდის მხიარულ შემოძახებაზე კამეჩი თითქოს უფრო ღონიერი ხდებოდა, ჭაობიან თიხნარ ნიადაგს ღრმად აბრუნებდა მისი გუთანნი, ღრმა და სწორ კვალს სტოვებდა; ყანის ბოლოში კამეჩი მოარჩილად შემოტრიალდებოდა და ძველ კვალს ახალი ემატებოდა.

საიდის მამის ყანის გვერდით აღინდას მამის ყანა იყო. აღინდა საიდის საცოლო იყო; ასე გადაეწვიტათ მათ მამებს. როცა საიდი და აღინდას ძმები მიჯნაზე შეიყრებოდნენ, ერთმანეთს ხმას მისცემდნენ, იცინოდნენ, თავიანთ კამეჩებს ღონეს და მოარჩილებას უქებდნენ. მაგრამ, მგონი, საიდის კამეჩი სჯობდა; ევებ იმიტომ, რომ საიდს მისთვის აღერსიანი სიტყვა არ გამოეღეოდა... — კამეჩსაც ხომ ესმის აღერსიანი სიტყვა!

საიდი ცხრა წლისა იყო, აღინდა — შვიდის,

როდესაც ოლქის უფროსმა საიდის მამას ეს კამეჩი ჩამოართვა.

საიდის მამა მეტად ღარიბი იყო; მან ვერცხლის სამკაულები გაჰყიდა — ცოლის მემკვიდრეობა — და ამ ფულით ახალი კამეჩი შეიძინა.

საიდი ძლიერ შეწუხებული იყო. აღინდას ძმებისაგან გაიგო, რომ მისი კამეჩი მთავარ მოედანზე გარეკეს; მამას ჰკითხა, სამკაულებს რომ ჰყიდდი, ჩვენი კამეჩი ხომ არ გინახავსო; მამამ პასუხი არ მისცა, და საიდს ეშინოდა, ვაი თუ ჩემი კამეჩი სასაკლოზე წაიყვანეს იმ კამეჩებთან ერთად, ოლქის უფროსმა სხვა სოფლელებს რომ ჩამოართვაო.

ძველი კამეჩის მოგონებაზე საიდი ტიროდა; ხუმრობაა, ორი წელიწადი ერთად გაატარეს, როგორც საუკეთესო მეგობრებმა! ბავშს ჭამა არ შეეძლო, დიდხანს არ ჩადიოდა ყელში ლუკმა: რაღაცა ახრჩობდა.

მაგრამ ახალი კამეჩი შეეჩვია და შეეგუა საიდს და მალე, ევებ მეტადაც მალე, ბავშვს ძველი მეგობარი გადააფიწყდა; ადამიანის გული ხომ თავლის სანთელს ჰკავს: დიდი ხნით არაფერი დააჩნდება.

მართალია, ახალი კამეჩი წინანდელზე სუსტი იყო, მაგრამ საბრალო ცხოველი ისითივე მშვიდი და გამგონე იყო, როგორც მისი მოწინავე, რომელიც დაჰკლეს. ახლა, როცა საიდი აღინდას ძმებს მიჯნაზე შეხვდებოდა, თავის კამეჩს ღონეს ვერ უქებდა, მაგრამ ამბობდა, ასეთი კეთილი და გამგონე ცხოველი მეორე არ მოინახებოა. გარდა ამისა, არც ერთ კამეჩს არ ექნებოდა ზურგზე ისეთი კულულები, როგორც ამას; ეს კი, ყველამ იცის, ბედიალობის ნიშანია. რა ვუყოთ, რომ ანეულები ისეთი სწორი აღარ

იყო, როგორც წინადა და ორივე მხარეს ხშირად გაუფხვრებელი ბელტები ეყარა; ამის შველა ხომ შეიძლებოდა.

ერთხელ საიდი ამაოდ ერეკებოდა თავის კამეჩს: ის, მიჭედლივით იდგა და ადგილიდან არ იძრვოდა. ბავში ისე გააოცა კამეჩის ჯიუტობამ, რომ ცუდი სიტყვაც კი უთხრა; მეგობრის წყენინება კი არ უნდოდა, ისე, მაგრამ ცხოველზე ლანძღვამაც არ იმოქმედა: კამეჩი თავს აქნევდა, თითქოს უღელის ჩამოგდებას ლამობდა, ფრუტუნობდა, ცხცახობდა, კბილები დაეკრიჭა, მის ცისფერ თვალებში შიში იხატებოდა.

— თავს უშველე, ჩქარა! — მოესმა საიდს აღინდას ძმების ძახილი. — თავს უშველე, საიდ! ვეფხი მოვიდა.

იმათ უკვე მოეხსნათ უღელი თავიანთი კამეჩებისათვის, განიერ ზურგებზე მოსხდომოდნენ და მოჰქროდნენ ბრინჯის ყანებით, სათიბებით, ბუჩქნარებით, გზების და მინდვრების გასწვრივ. როდესაც გაოფლიანებულები, აქლოშინებულები, შეშინებულები სოფელში მიცვიდნენ, მათ შორის საიდი არ იყო.

მეზობლების შეძახებაზე საიდმაც გაათავისუფლა თავისი კამეჩი უღლისაგან, ზურგზე მოახტა და გაეჩანა, მაგრამ პირუტყვის მოულოდნელმა ნახტომმა წონასწორობა დააკარგვინა და გადმოავდო. ვეფხი სულ ახლო იყო...

ვაქანებულმა კამეჩმა ჯერ თავი ვერ შეიკავა და ჩაუქროლა იმ ადგილს, სადაც სასიკვდილოდ განწირული მისი პატარა პატრონი ეგდო, მაგრამ, აი, სძლია ძალას, რომელიც მას წინ იტაცებდა, ბავშს დაუბრუნდა, გადაალაჯა, თავისი მოუხეშავი ტანი ფარავით გადაათარა და რქები ვეფხისკენ მიიშვირა. მეტი ღროც არ იყო. მხეცი გადმოხტა, მაგრამ ეს მისი უკანასკნელი ნახტომი იყო: კამეჩის რქებით

მუკელგაფატრული გაგორდა. ბრქალებში კამეჩის კისრიდან ამონავლევჯი ხორცი ეჭირა, საიდი გადაიჩინა.

როდესაც საიდის მამას ეს კამეჩიც ჩამოართვეს, საიდი თორმეტი წლისა იყო. აღინდამ მაშინ უკვე ქსოვა იცოდა. მწარე ფიქრებს ართავდა თავის საქსოვს, რადგანაც საიდს მწუხარეს ხედავდა.

საიდს მამაც სწუხდა, მაგრამ დედა — ყველაზე მეტად. მან მოუთრინა კისერი ერთგულ ცხოველს, რომელმაც სწორედ იმ დროს მოაქროლა მისი გადარჩენილი ბავში, როდესაც დედამ ის-იყო დაიჯერა აღინდას ძმების მოტანილი აშბავი, საიდი ვეფხმა დაგლიჯაო. ხშირად წარმოიდგენდა, როდესაც კამეჩის სქელკანიან კისერს უცქეროდა, როგორ ღრმად ჩასწვდებოდა მისი შვილის ნახსხეულს ვეფხის ბასრი ბრქალები: მათ ასე ღრმად ჩაეტანა კამეჩის მაგარ კანსა და ხორცში! მაღლიერი დედა კამეჩს ეფერებოდა, ცდილობდა გაეგებინებია ცხოველისთვის, რა-რიც უმადლოდა მას. როცა კამეჩი სასაკლაოზე მიჰყავდათ, მას უნდოდა ცხოველი მიმხედარიყო, რომ ის სწუხს, და არ დამღურებოდა უმადურობისათვის.


რამდენიმე ხნის შემდეგ საიდმა მამა ბაღურიდან გაიქცა: მიწის ბეგარა ვერ გადიხადა და სასჯელის ეშინოდა. ახლა არც ვერცხლის ხანჯალი ჰქონდა, არც სამკაულები, რომ ახალი კამეჩი შეეძინა. ერთხანს ქირაზე მუშაობდა, მაგრამ ეს მუშაობა ალტანელი იყო და არც არაფერს არ იძლეოდა.

საიდის დედა ჯავრისაგან მოკვდა და მაშინ მამა სოფლიდან გაიქცა. იმედი ჰქონდა, რომ ღიდ ქალაქ ბატავის მახლობლად მდებარე ბუიტენცორგში სამუშაოს იშოვიდა; მაგრამ იქ ის დაიჭირეს და გაწეკბლეს, უბასპორტოდ რათ გამოიქეციო, და ბაღურში დააბრუნეს. ბაღურში კი ციხეში ჩასვეს, რადგანაც გიჟს ჰგავდა და ეშინოდათ, ცუდი რამ არ ჩაიდინოსო. ციხეში ღიდხანს არ ყოფილა — მალე მოკვდა.

რა მოკვიდათ საიდის დას და ძმებს, არ ვიცით; მათი ქოხი ერთხანს ცარიელი იდგა; მალე დაინგრა: ის ხომ ლერწმისაგან აშენებული და პალმის ფოთლებით დახურული იყო. იმ ადგილას, სადაც ოჯახმა ამდენი ტანჯვა ვაკა გამოიძინა, მიწის და ნაგვის გროვა და მოსჩანდა.

იავზე ბევრია ასეთი ნანგრევი. როცა მამა გაიქცა, საიდი 15 წლისა იყო. ის მამის გზას არ ვაჰყვა. მას გაეგონა, რომ ბატავიაში მდიდარი ბატონები ცხოვრობენ და იქ სამუშაოს შოვნა შეიძლებოდა. ეგებ სამ წელიწადში იმდენი შეაგროვოს, რომ ორი კამეჩი იყიდოს? ეს ოცნება უღიმოდა საიდს. როგორც აღაშინა, რომელმაც





იცის, რასაც აკეთებს, ის აღინდასთან მივიდა და თავისი გეგმა გაუზიარა.

— აბა, იფიქრე, — უთხრა მან, — როცა დავბრუნდები, ორი კამეჩი გვეყოლება.

— რა კარგი იქნება! მე კი მანამდის ვრთავ და ვქსოვ, სულ, სულ ვიმუშავებ.

— მჯერა, აღინდა! მაგრამ... როცა დავბრუნდები, გათხოვილი რომ დამხედ?

— საიდ! ხომ იცი, ეს შეუძლებელია. აკი ჩვენმა დედ-მამებმაც გადაწყვიტეს, რომ ჩვენ ცოლ-ქმარი ვიქნებით.

— შენ როგორ გსურს?

— მეც ასე მინდა.

— მაშ, როცა დავბრუნდები, შორიდან დაგიძახებ.

— ეგებ მაშინ ბრინჯის ლეწვა გვექნეს სოფელში და ველარ გავიგონო შენი დაძახება?

— მართალია. მაშ დიდი ხის ქვეშ მიცადე სოფლის გარეთ.

— როგორ გავიგო, როდის მოხვალ?

საიდი დაფიქრა.

— სთვალე მთვარე. სამჯერ თორმეტი მთვარე რომ გაივლის, მოვალ. ყოველი ახალი მთვარე როდინზე ხაზით დაინიშნე. როცა სამჯერ თორმეტ ხაზს გააკეთებ, მეც აქ ვიქნები.

ხესთან დამიხვდა.

— კარგი, საიდ.

და საიდი წავიდა.

რამდენიმე დღის შემდეგ ქალაქ სერანგში მივიდა, სადაც აგურის სახლები კრამიტით იყო და-

ხურული. საიდი გარაცხეული იყო, ამისი მსგავსი არაფერი ენახა. ერთი დღე იქ დაისვენა და სალამოს გზას გაუდგა. მზე რომ მალა ავიდა, საიდმა იმ მდინარესთან მიახწია, სადაც ქალაქი ტავერანგი მდებარეობს. იბანავა, გაგრილდა და ქალაქში შევიდა. აქ მისი მამის მეგობარი კაცი ცხოვრობდა. მასთან გაათია ღამე. მეორე დღეს მასთან დაჩხა, ლერწმის ქულების ქსოვა ისწავლა. გამომდგებოა, ფიქრობდა. კეთილ მასპინძელს მადლობა გადაუხადა და სალამოს გზას გაუდგა.

შებინდა. საიდი ნალველმა აიტანა.

პირველ დღეებში მხნედ მიდიოდა, მარტოობას არ გრძნობდა; სულ იმაზე ფიქრობდა, რომ ბევრ ფულს იშოვის და ორ კამეჩს იყიდის, ერთს კი არა, როგორც მამამისს ჰყავდა, ორს. შემდეგ სოფელში დაბრუნდება და აღინდას ნახავს...

მაგრამ რაც უფრო შორდებოდა საკუთარ სოფელს, მით უფრო ეცვლებოდა გუნება. ნაბიჯს უკლო. ჯავრი მოაწვა გულზე. როდის გაივლის სამჯერ თორმეტი თვე! დაბრუნდეს? მაგრამ რას იტყვის აღინდა? საიდი გამხნევდა და ნაბიჯს უმატა: თუმცა ისე მარდად ველარ მიდიოდა, როგორც პირველ დღეებში.

თავში მწარე ფიქრები ერეოდნენ, გული სევდით ევსებოდა. რაღაცას ჩურჩულებდა, თითქოს თავის თავს ელაპარაკებოდა. უცებ უნებლიედ მწუხარე, სევდიანი სიმღერა დაიწყო:

„ვინ იცის, სად მოვკვდები!

მე ზღვა მინახავს, შორეული ზღვა სამხრეთით — მე და მამა იქ მაჩილს ვშოულობდით.



ზღვასთან თუ მოგვედი, წყალში გადამაგდებენ. მოსცურდებიან ნათელ-თევზები, გარს შემომეხვევიან და იტყვიან: „რომელმა ჩავყლაპოთ ეს მკვდარი, წყალს რომ მიაქვს?

მე ამას ვერ გავიგებ.

ვინ იცის, სად მოგვედები.

მე ვნახე, როგორ იწოდა ჰან-სუს ქოხი. თვითონ ჰან-სუსმა დაწვა თავისი ქოხი, მიტომ რომ გონება დაუბნელდა.

ცეცხლმოკიდებულ სახლში თუ მოგვედი, მუგუზღები დამაცვივა, სახლთან ხალხი შეიყრის თავს.

იყვირებენ და ცეცხლს წყალს დაასხამენ, რომ მოაქრონ.

მე ამას ვერ გავიგებ.

ვინ იცის, სად მოგვედები!

მე ვნახე, როგორ ჩამოვარდა პალმიდან სი-უნა, დედისთვის რომ ფანიკების დაკრეფა უნდოდა.

პალმიდან თუ ჩამოვვარდი, მკვდარი ვეგდები ბა-ლახში, როგორც პატარა სი-უნა.

მაგრამ დედა არ მოვა ჩემ სატირლად — ჩემი დედა მკვდარია.

უცხო ადამიანები იტყვიან: „აი, საიღი მოკვდა“.

მე ამას ვერ გავიგებ.

ვინ იცის, სად მოგვედები.

ბაღურში ბევრი მკვდარი მინახავს.

მათ თეთრ ტანსამოსს აცმევენ და მიწაში მარხავენ.

თუ იმათსავით ჩემ სოფელში მოგვედი, სოფლის გარეთ დამმარხვენ აღმოსავლეთით.

იქ აღინდა გაივლის. ის ჩემ საფლავთან გაივლის ..

მე ამას გავიგებ!“

ბატავიაში მივიდა. ერთ მდიდარ კაცს სთხოვა, მოსამსახურედ ამიყვანეო; იმანაც მიშინვე აიყვანა, რადგანაც საიღი იავაურად ლაპარაკობდა და მაღალური არ იცოდა. ბატავიაში სიამოვნებით იყვანენ მოსამსახურეებად ისეთებს, ვინც მაღალური ენა არ იცის, ე. ი. ქალაქში ცხოვრებით არ არის გაფუჭებული. საიღმა მალე ისწავლა მაღალური ენა, მაგრამ არ გამოცვლილა, ისევ გულმოდგინედ მუშაობდა, რადგანაც სულ ორ კამეჩზე და აღინდაზე ფიქრობდა. დიდი და ღონიერი გახდა, რადგანაც აქ ყოველდღე სკამდა, ბაღურში-კი არა. საიღი მეჯინიბედ მსახურობდა. ყველას უყვარდა. უფროსი მეჯინიბის ქალის შერთვა რომ სდომოდა, უარს არ ეტყუოდენ. თვით ბატონსაც მოსწონდა ის და მალე ხელზე მოსამსახურედ გაიხადა და ჯამაგირი მოუმატა.

სამი წელიწადი რომ სრულდებოდა, საიღმა ტონთან მივიდა და დაეთხოვა, თან ბატონს სთხოვა, რომ სინდისიერად და კარგად ემსახურა. ასეთი საქციელი უმადურობად ჩამოართვეს, მაგრამ უარი არ უთხრეს.

საიღი გზას გაუდგა. მიდიოდა და ვერ ხედავდა, რა იყო მის გარშემო: სულ სხვა რამით იყო სავსე მისი გული: თავის სოფელზე ფიქრობდა და თავის საუნჯეებს სთვლიდა. თან ჰქონდა პასპორტი და ბატონისაგან მიცემული მოწმობა. ზურგზე მძიმედ სცემდა ბეჭზე გადაგდებული საისრე, — მაგრამ ეს ტვირთი ძლიერ სიამოვნებდა. ან რა გასაკვირია! შიგ ხომ ფული იყო — იმდენი ფული, რომ სამ კამეჩს იყიდდა. რას იტყვის აღინდა! გარდა ამისა, წელზე მოვერცხლილქარქაშიანი ხანჯალი ეკიდა, ტანისამოსის ნაოჭებში კი ვერცხლის ქამარი ჰქონდა შენახული — აღინდა ათვის.

გზაში თითქმის არ შეუსვენია; მხოლოდ ქალაქ ტანჯერანგში შეუხვია ცოტა ხნით, სადაც მამამისის მეგობარი ცხოვრობდა. ბატავიის შემდეგ ქალაქი სერანგი აღარ ეჩვენა ისე ლამაზად, როგორც პირველად; როცა ცხენოსანი ოლქის უფროსი დაინახა, მაღალ ბალახში არ დამალულა, როგორც სამი წლის წინეთ, — რის უნდა შეშინებოდა ახლა?

როცა რომელიმე შემთხვევითი თანამგზავრი ამ კუთხის ამბებს მოუთხრობდა, საიღი თითქმის ყურს არ უგდებდა. მას უამბობდენ ყავის ახალი პლანტაციების შესახებ, კიდევ იმის შესახებ, რომ ერთი ოლქის უფროსი ციხეში ჩასვეს ხალხის მეტისმეტი ცარცვა-გლეჯისთვის, რომ წინანდელი ოლქის უფროსის სიკვდილის შემდეგ ახალი ჩამოვიდა, უფრო კარგი, საჩივრებით მისულ ხალხს არ ერეკება და არ ტუქსავს, რომ .. მაგრამ საიღი მათ ყურს არ უგდებდა. მას თვალწინ სულ სხვა სურათები ეხატებოდა: ის დად, გატოტილ ხეს ხედავდა, რომლის ძირშიაც აღინდა ელოდა მას, ესმოდა აღინდას ხმა: „გამარჯობა, საიღ, მე სულ ვართავდი და ვქსოვდი, ბრინჯს ვლეწავდი — შენზე ვფიქრობდი. შეხედე, აი, სამჯერ თორქეტი ხაზი ჩემს როდინზე. დღეს ახალი მთვარის პირველი დღეა და შენს შესახვედრად მოვედი. გამარჯობა, საიღ. მე შენი ცოლი ვიქნები“.

საიღის გულში ზეიმი იყო და გამგელეთა ამბები არ ესმოდა.

ბოლოს შორს დიდი შავი ლაქა გამოჩნდა, რომელიც ვარსკვლავებით მოკაშკაშებულ ცის ნაწილს ჰკრავდა — ეს მისი სოფლის განაპირას მდებარე ტყე იყო. აი, იქ, განაპირას რომ დიდი ხეა, იმის ძირში უნდა შეხვედროდა ხეალ მზის ამოსვლისას აღინდას. ბნელში დიდხანს ეძება ნაცნობი ხე. აი ისიც!



საიდი ხის ძირში დაჯდა, ვარსკვლავებს შეს-
ცქეროდა. აი, ერთი ვარსკვლავი ციდან ჩამოცურდა,
თითქოს მიესალმა სამშობლოში დაბრუნებულს.

საიდი ვარსკვლავებს შესცქეროდა და აღინდაზე
ფიქრობდა: ნეტავი რას აკეთებს ახლ? ვაი თუ ანგა-
რიში აერია და ერთი მთვარე გამოეპარა. მაშინ ხომ
აღარ მოვა ხვალ! უთუოდ ბევრი ქსოვილი აქვს ახლა
დამზადებული. ნეტავი ვინ ცხოვრობს ახლა მამის
ნასახლარზე? მოაგონდა ბავშობა, დედა, კამეჩი, ვეფხის
კლანჭებს რომ გადაარჩინა... რა ეშველებოდა ახლა
აღინდას, საიდი რომ მაშინ ვეფხს დაეგლიჯა?

აღინდა უთუოდ გათენებისთანავე მოვა, რო-
გორც მზის სხივი გამოაშუქებს.

ვარსკვლავები ბაცდებიან, ჰქრებიან, მაგრამ და-
ბლობს ჯერ ისევ სძინავს. მთები უფრო გაშავდენ
და მკაფიოდ იხატებიან გაცივებულ ცის ქვეშ, დრო-
გამოშვებით ოქროს სხივები ცეცხლის ისრებისებრ
აპობენ ღრუბლებს, მაგრამ მაშინვე ჰქრებიან და
გარემოს ისევ სიბნელე მოიცავს.

საიდი ახლა მკაფიოდ არჩევს თავის სოფელს,
პალმების ჩრდილში მიმამულს... იქ აღინდას სძინავს!

არა, როგორ შეიძლება, რომ ეძინოს. ხომ იცის,
რომ საიდი უკვე ელის. რა თქმა უნდა, მთელი ღამე
არ დაიძინებდა. დრო რომ შეამოკლოს, უთუოდ
მუშაობს. სოფლის დარაჯმაც დაუკაკუნა კარებზე
და ჰკითხა, რათ უნთია ასე გვიან ცეცხლი, და მან
სამაური ღიმილით უპასუხა, რომ აუცილებლად
უნდა გაათაოს საქსოვი: აღთქმა აქვს დადებული,
რომ ახალი მთვარის პირველი დღისთვის გაათავეს.

ან შეიძლება მთელი ღამე ბნელში იჯდა და
როდინზე ხაზებს სთვლიდა, ხომ არ შეეცდოდა.

ახლა უთუოდ მზეს ელის ისე, როგორც საიდი.
მზე კი არ ამოდის.. არ ამოდის...

მაგრამ, აი, ღრუბლებს კიდევები გაუწითლდა,
ყველაფერი განათდა, გავარდარდა. ცეცხლის ის-
რებმა სინათლე გააპეს, ცხელი ოქროს სხივები ჰაერში
აირიყვნენ, აკანკალდნენ. ეს მზეა, დილის «ცისკარია»,
აღინდასთან შეხვედრათ.

საიდს სოფელში შესვლა არ უნდოდა: იცოდა,
რომ სიდაცა აღინდა მოვიდოდა... მოლოდინი ისეთი
ტკბილი იყო!..

დაჯდა და ნაცნობ ადგილებს დაუწყო თვა-
ლიერება. გულისხნარულმა და სევდამ შეიპყრო. აი,
მარცხნით ხეგია, ყვითელი, თინხარია, იქიდან ერთ-
ხელ კამეჩი გადაიჩეხა. მთელი სოფელი შეიკრიბა
საშვერად. კამეჩის დაღუპვა ხუმრობა ხომ არაა! მა-
გარი თოკები მოიბეს და ხევში ჩაეშვენ. აღინდას მა-
მა ყველაზე მარჯვე იყო... როგორ უხაროდა აღინ-
დას! სულ ტაშს უკრავდა.

იქ, სოფელთან კი, კოკოსის პალმები რომ ი-
ხევიან, იქ ჩამოვარდა პატარა სი-უნა და მოკვდა.
როგორ ტიროდა დედამისი! „ასეთი პატარა მაინც არ
ყოფილიყო“, ჩიოდა, თითქოს სი-უნა დიდი რომ
ყოფილიყო, ისე არ ეწყინებოდა მისი სიკვდილი. მარ-
თალია, ძალიან პატარა კი იყო, აღინდაზე პატარა
და სუსტი.

ბადურდიან მომავალ ბილიკზე არავინ სჩანდა.
„ჯერ აღრეა, — ფიქრობდა საიდი, — სიდაცაა მოვა“.

ერთ ხეზე ციყვს მოჰკრა თვალი. დიდხანს
უცქირა მის ხტუნვას და თამაშს და გული გადაა-
ყოლა. ციყვიც მიიმალა. ბილიკზე არავინ მოსჩანდა.

აგერ, პებელა ყვავილებს დასტრიალებს, მისი
ქრელი ფრთები მზეზე ბრჭყვიალებენ.

ბილიკზე კი არავინ მოსჩანს.

მზე მალა ავიდა. ჩამოცხა.

„მოდი წავიდე ბადურში? მაგრამ ხომ მოვა?
უთუოდ! დაქანცულს ჩაეძინა დილით.



აი, ვიდაცა კამეჩს მიერეკება მინდვრისკენ. დავუ-
ძახო? არა, მეტად შორსაა... ან რათ უნდა ვკითხო
აღინდას ამბავი სხვას: ახლა მალე მოვა.

საიდი მზადაა იცადოს... სულ იცადოს...

ვაი თუ ავადაა... ან თუ მოკვდა?

შემკრთალ ირემივით გაეშურა ბილიკზე. არაფერს
ხედავდა, არაფერი ესმოდა, არ დაუნახავს, რომ
სოფლის თავში ვიდაცეები იღვენ და ეძახოდნენ:
„საიდ, საიდ!“.

როგორ ვერ იპოვნა აღინდას სახლი! სოფელი
ჩაათავა და ახლა უკან გამოეჩანა. როგორ ვერ იცნო
აღინდას სახლი? მაგრამ ისევ სოფლის თავშია. სიზ-
მარი უნდა იყოს — ისევ ჩაუარა აღინდას სახლს!
ისევ ვერ იცნო! უკან ეცა, უკვებ შედგა და ხელები
თავში იტაცა. „გავგიჟდი, გიჟი ვარ, გიჟი!“.

ბადურელი ქალები თანაგრძნობით შესცქერო-

დენ საიდს: მიხვდენ, რომ აღინდას სახლს დაეძებდა, მაგრამ აღინდას სახლი ბაღურში აღარ იყო.

„როდესაც ოლქის უფროსმა აღინდას მამას კამეჩი ჩამოართვა, აღინდას დედა ჯავრისაგან მოკვდა, აღინდას პატარა დაც მოკვდა, მიტომ რომ დედა აღარ ჰყავდა, რომ ძუძუ ეწოვებია; მამას მიწის ბეგარა არ ჰქონდა გადახდილი და სასჯელის ემინოდა. ამიტომ ბაღურიდან გაიქცა; აღინდა და მისი ძმებიც თან წაიყვანა. მან იცოდა, რომ საიდის მამა ბუიტენცორგში დაიჭირეს და გაწვებლეს; ამიტომ არც ბუიტენცორგში წავიდა, არც ბატავიაში... ის შორეული ოლქისკენ გაემართა, ზღვის ნაპირისკენ. იქ ტყეში იმალებოდა და იმათ შეუერთდა, რომელთაც დასჯის შიშით ქოხები დაეტოვებიათ და გამოქცეულიყვნენ. ღამით სათევზაო ნავი მოიტაცეს ჯერ დასავლეთისკენ მისტურავდენ, შემდეგ ჩრდილო-აღმოსავლეთისკენ; კლდიან კუნძულს ტანაიტამს რომ მიახწიეს, აღმოსავლეთით ჩაუარეს და უბეში შესტურეს, იქ აჯანყებულებს შეუერთდენ!“— ასე ჩურჩულებდენ ბაღურში, როცა ლაპარაკი გადასახადებს და ჩამორთმეულ კამეჩებს შეეხებოდა.

მაგრამ საიდს ცუდად ესმოდა, რასაც ეუბნებოდენ. სდუმდა და მკვდარი თვალებით ვერაფერს

მაგრამ ბაღურელები სცდებოდენ საიდის ვიწრო არ იყო.

ერთხელ, ღამით, როცა მთვარე არაჩვეულეზრივად ანათებდა, ის ადგა, სახლიდან გამოვიდა და წავიდა იმ ადგილის საპოვნელად, სადაც ოდესღაც აღინდას ქოხი იდგა. დიდხანს ეძებდა, რადგანაც სამწელიწადში სოფელს მრავალი ნანგრევი მომატებოდა.

ბოლოს იპოვა. პეშვით მიწა აიღო... აქ ცხოვრობდა აღინდა... საიდი მძიმედ სუნთქავდა...

მეორე დღეს მოხუც დედაკაცს ჰკითხა, ხომ არ იცის, სად არის აღინდას როდინი. მოხუცს გაეხარდა, რომ საიდი აღაპარაკდა და როდინის საძებრად გაიქცა. მალე დაბრუნდა და საიდი როდინის ახალ პატრონთან წაიყვანა.

საიდი უსიტყვოდ მისდევდა; როდინს მიუახლოვდა და ზედ ოცდათორმეტი ხაზი დასთვალა...

შემდეგ მოხუც დედაკაცს იმდენი ფული მისცა, რამდენიც ერთ კამეჩს უყიდდა, და ბაღურს გაშორდა. ზღვასთან მივიდა, სათევზაო ნავი იყიდა და იმ ადგილისკენ გასწია, სადაც აჯანყებული იავაელები ჰოლანდიელებს ებრძოდენ. ერთ რაზმს შეუერთდა.



ხედავდა, ვერავის სცნობდა. ბოლოს მან გადახარხარა—ეს საშინელი ხარხარი იყო.

ერთმა მოხუცმა დედაკაცმა თავის ქოხში წაიყვანა და უფლიდა. საიდი აღარ იცინოდა, მაგრამ არც ლაპარაკობდა. მხოლოდ ღამ-ღამობით ესმოდათ შიშით აკანკალებულ მასპინძლებს. მისი სიმღერა: „ვინ იცის, სად მოგვკვდები“... ყველას ეგონა, რომ საიდი გაგიჟდა.

ერთხელ, როდესაც ჰოლანდიელებმა იავაელები ისევ დაამარცხეს და სოფლებს ცეცხლი წაუკიდეს, საიდი ერთი ასეთი სოფლის გარშემო დაეხეტებოდა. მან გაიგო, რომ აქ ამოხოცილები უმთავრესად მისი სოფლიდან იყვნენ. საიდი მოჩვენებასავით დადიოდა გადაბუკულ ქოხებს შორის. აღინდას მამის ცხედარს წააწყდა: ხიშტით გულგამირული ეგლო; გვერდით აღინდას სამივე ძმა ეყარა, ცოტა

მოზორებით - აღინდა, შიშველი საშინლად დამახინ-
ჯებული...

რამოდენიმე ჰოლანდიელი ჯარისკაცი ხაშტე-
ბით ერეკებოდა გადარჩენილ მემბოხეებს ცეცხლში.

საიღი მათკენ გაექანა, ხიშტებს ხელები წაავლო,
გულით ეძგერა და უკანასკნელი, უცნაური ძალის
მოკრებით ჯარისკაცებს უკან დაახევინა და... ზურგამ-
დე განგმირული ხიშტებზე წამოეგო...

ბატავიაში, კუნძულ იავას მთავარ ქალაქში,
დიდი ზეიმი იყო. ძლევამოსილმა, ზარბაზნებით და
ტყვისმფრქვეველებით შეიარაღებულმა ჯარმა უია-
რალა ყვითელი მემბოხენი დაამარცხა. გუბერნა-
ტორმა ჰოლანდიაში სასიხარულო ცნობა გაგზავნა,
რომ მშვიდობა აღდგენილია. მრავალი ჯვარი და
მენდალი ებოძა მეფისაგან ოფიცრებს და ჯარისკა-
ცებს გაკანდილებული ყვითელკანიანების ამოხოცვის-
თვის.

ჰოლანდიის მხედრობისათვის გამარჯვების მინი-
ჭების გამო ეკლესიებში მღვდლები პარაკლისებს
იხდიდნენ და აღიდებდნენ მოწყალე ღმერთს, რომელ-
მაც გამარჯვება არგუნა ჰოლანდიის იარაღს. *)

3. მ.

*) ყველა ქვეყნის მექარხნენი და მემამულენი შე-
უბრალებლად სჩაგრავენ და ავიწროებენ თავისი მოგე-
ბისთვის მუშებსა და გლეხებს. მაგრამ კიდევ უფრო სა-
გრძნობია ექსპლოატაცია დაპყრობილ შავკანიან, წითელ-
კანიან და ყვითელკანიან ხალხებისა, რომელთაც ევრო-
პისა და ამერიკის ბურჟუაზია ისე ექცევა, როგორც მო-
ნებს, ანადგურებს მძიმე გადასახადებით, აიძულებს პათ
იმუშაონ ზედმეტი საათები. მათ შეუბრალებლად სცემენ,
ხვრეტენ, უმნიშვნელო წინააღმდეგობისათვისაც კი სწვა-
ვენ მათ სოფლებს და სხვ.

ჰოლანდიელი მწერალი მულტატული, რომელიც კარ-
გად იცნობს ჰოლანდიის მიერ დაპყრობილ კუნძულ იავას,
ავიწერს იმ მხეცობას, რომელსაც იჩენენ კაპიტალის-
ტები ამ კუნძულის მცხოვრებლების მიმართ, ავი-
წერს იმას, თუ როგორ არის შევიწროებული, ფეხქვეშ
გათელილი და აბუჩად აგდებული დაპყრობილი ხალხის
უფლებები და ცხოვრება ბურჟუაზიულ ქვეყნებში.

საჭიროა ეს პატარა მოთხრობა ყველამ დიდი გულ-
დასმით წაიკითხოს და შეადაროს იმ მდგომარეობას, რო-
მელიც არსებობს ჩვენში, ს. ს. რ. კ-ში, და დარწმუნ-
დეს, რომ მხოლოდ კომუნისტურ პარტიას, საბჭოთა ხე-
ლისუფლებას შეუძლია მიანიჭოს სრული თავისუფლება
და თანასწორობა ყველა ხალხებს.

რედაქცია

პირველი მაისი.

ვეშადები საზეიმოდ,
დღეს პირველი მაისია,
ვხედავ მუშის გამარჯვებას,
ჩემს გულშიაც ხალისია.

ძველად ამ დღეს მუშა დროშას
მალლა სწევდა დამალულად,
თუ ნახავდნ მტარვალები,
სისხლში სვრიდნ ვერაგულად.

ეს დღე იყო საკავშირო
მტკიცე ფიცის დასადებად,
შრომის დაცვის, ერთა შორის
ძმობის ხიდის გასადებად.

მუშამ თავის შრომის დროშას
ბევრი სისხლი დაანთხია,
მაგრამ მტერმა სისხლის დროშა
ვერ წაართვა, ვერ დახია.

მუშის ბრძოლამ გაამკვიტა
ერთობა და სიყვარული,
დღეს ფრიალებს შრომის დროშა
ოქრომკელი მოქარგული.

გაუმარჯოს პირველ მაისს,
ხალხთა შორის ძმობის დღესა,
მტარვალები შეიმუსრენ,
ვერ იხილვენ დღეის მხესა!..

დღეს პირველი მაისია,
მუშა აღსდგა, სძლია მტარვალს!
გაუმარჯოს პირველ მაისს,
მის აწყოსა და მომავალს!

მე-5 ჯგ. მოწაფე მარგალიტა გველესიანი.



თრიალეთის კალთებზე.

(ლეგენდები და სინამდვილე)

აშურიანის ველზე

ორთქლმავალმა შეპკივლა და მატარებელი გველივით შესრიალდა სადგურზე. შეჩერდა...

— მეტეხი! — დაიძახა კონდუქტორმა.

რამოდენიმე მგზავრთან ერთად მონადირენიც გადმოვიდნენ.

— ჰო, წელან რას ამბობდი, გიორგი, ამ მთებზე! — შეეკითხა ერთი მონადირეთაგანი ზემომხრელ თანამგზავრს და აბგა გაისწორა, თოფი მხარს გადიგლო და ხელი გაიშვირა რკინის გზის ლიანდაგიდან რამოდენიმე საყენით მარჯვნივ მდებარე აშურიანის დიდი ველისაკენ, ანაცრისფერებულ კლდის ფლატეთა გრძელ პროფილებისკენ...

— ბევრია ამ მხარეში ბუნებრივი სიმდიდრე, რომლითაც სავსეა როგორც მთელი საქართველო, ისე ეს მხარე. იქ, იმ მთებში, ბევრია ცემენტის ქვა, ქვანახშირი და კარგი ლირსებისაც. იქ ამ თორმეტიოდნე წლის წინად ქარხნების აგებას აპირებდა ცნობილი მილიონერი მან — შევი, მაგრამ ასტყდა მსოფლიო ომი და იმ საქმესაც შეეშალა ხელი, — მიუგო მან.

გასწიეს ბორანისკენ.

მტკვარი რკინის გზის ლიანდაგს ჩამოუდის მარცხნივ და აშურიანს ეკლაკნება ვერცხლის ბუზმენტად...

— მართალია, მაგრამ თუ სარწყავი არხი იქნა გაყვანილი, მოსავალი დიდი ეცოდინება, — მიუგო სოსომ მეტეხელ გლეხს, რომელმაც აშურიანის ველზე დაუწყო ლაპარაკი და სჩაოდა გვალვიანობაზე, რომელსაც ხშირად აქვს აქ აღდგილი.

აჰა, მთელი ამ ხნის სანატრელი დაწყება — მეტეხის ხიდი.

განუწყვეტლად მუშაობენ...

— მალე დაამთავრებენ?

— ამბობენ, ჰოოდგო და ვინ იცის, — გაისმა პასუხი.

წითელი ქალაქის რაიონი კარგა მოზდილია, რამოდენიმე ათეული სოფლით გარშემორტყმული...

ზემოდან თრიალეთის მთათა ტყიანი ქედები, დაბლა გადაჭიმულა მინდვრები, ნოყიერ ხოდაბუნებად აკვალული; ვენახები, ხილის ბაღები, მრავალი

წყარო, მდინარე; ქართლის ერთი ულამაზესი მხარე, ჯანსაღი ჰავა; მშვენიერი შენობები ლამაზი კარმიდამოებით, განათლების ჩირაღდნით თანდათან წინ მავალი; ხალხი ღონიერი, შრომისმოყვარე; რევოლუციონური წარსულით, ისტორიულად ცნობილი, ლეგენდების ბუდე...

— ჰო, ამ ხიდის დამთავრებას სასოებით შესცქერის მთელი მხარე, ეს რამოდენიმე ვერსით აახლოებს რაიონს რკინის გზასთან, — განაგრძობდა გიორგი, რა სოფლისაკენ უნდა აეხვია და ეშვილობებოდა მონადირეებს, რომელთაც პირი მარჯვნივ ჰქნეს თემისკენ...

— გმადლობთ, გიორგი, იქიდან ჩამოვლისას შემოვივლით, — ეუბნებოდა სოსო, რადგანაც გიორგი არ ეშვებოდა.

— ცოტას შევნაყრდეთ, ბარემ დაისვენებდით კიდევ და...

არ ეშვებოდა.

გამომშვიდობება...

— აქედან ახლოა მანგლისი, მცირე მთიულეთი, ჯავახეთი; ეს ხიდი რომ გაკეთდეს, როგორც ამბობენ, რკინის გზაც გავა აქედანაო იქ, და... სიხარულით ამბობდა გამყოლი მახარა.

გააბეს მუსაიფი...

ბარნაბიანთ კარის გზად შემოეყარათ ჭოპიანთხეველი გოგლა, რომელსაც აღრევე ჰქონდა ცნობა ამათი მოსვლის შესახებ...

მიესალმნენ ერთმანეთს.

გოგლა ამ მხარეში განთქმული მონადირეა, საქართველოს მონადირეთა კავშირის წევრი, და თითქმის ყველა მოსულს იცნობდა კარგად...

თემის ხეობა.

მსუქანი შემოდგომაა...

ქარი ნელა არხვეს ალვის ხეებს, რომელთა ჩრდილნი დიდებულად გაწოლილან ორღობეში...

შარიშურობენ უკვე აქარვისფერებული ფოთლები...

აქა-იქ ჯერ კიდევ მოსაქრელი სიმინდის ტაროებს აბრეშუმისავით ქუჩუჩები გადმოუყრიათ თმებად...

ბალებით ლოყაწითელი ვაშლები ჩასაკებლად იწვევენ მაყურებელს...

ფირუზბეკდიან ცის კაბადონზე აქა-იქ გაწოლილან ლეგა ღრუბელთა ქარაენები...

— ასეთი განიერი რიყე და ასე პაწია მდინარე?! — წამოიძახა სოსომ გაკვირვებით.

— ო, ეხლა ასეთია მაგრამ, აბა, გაზაფხულზე ნახე? თქვამა ერთხელ იცის ხოლმე ველური მოვარდნა და მაშინ ყველაფერსა ჰლეკს... ეხლა კი, აბა, რა გიოხრათ, სადაც ტყე იკაფება, იქ წყლებიც შრება, და ასეთს დაუდევრობას იმ ლამაზ ტყეშიც ჰქონდა ადგილი წინად, — მიუგო გოგლამ.

— ის რა ხერელებია? — იკითხა ვანომ და ხელი გაიშვირა მდინარის მარცხენა მხარეს, ციცაბო კლდეთა პროფილებზე.

— ეგ ქვახერელებია, სამალავები. მანდ თურმე ჩვენი წინაპრები იმალებოდნენ ძველად, როდესაც ურიცხვი მტერი დაესხმოდათ თავს და იძლეოდნენ ბრძოლაში მცირერიცხოვნობით; ის დრო ჩვენს მხარეში „ლეკიანობადა“ ცნობილი, — მიუგო გოგლამ.

— ეს მხარე ლეგენდების ბუდეა. ეხლაც არიან მოხუცები, რომელთა საუბრის მოსმენა არაა ინტერესს მოკლებული, — განაგრძობდა ის.

— რა ლამაზადაა შეფენილი ფარა ფერდობზე! — წარმოსთქვა ვანომ და შესდგა. ბუნების სილამაზესთან ერთად ატყვევებდა ეს სურათი კალოზნის ნიშის.

გოგლამ ჩაიციხა.

— რა გაცინებს? — გაოცდა ვანო.

— არაფერი, ისე.. შორიდან მართლაც ეგრე ჰგონია ყველას, მაგრამ ის ქვებია...

— როგორ?! მეცხვარეც, კომბალზე დაყრდნობილი?

— არა, აქედან ეგრე სჩანს, შორიდან; ნამდვილად კი კლდით მოგლეჯილი ლოდებია, თუმცა ლეგენდა ამბობს, რომ, აგერ, მწვერვლზე რომ წამომდგარა კალოზნის ძველი, პაწია საყდარი, თითქოს ორბის ბუდეოა, ეს ადგილები მისად იყო მიჩნეული და წმინდა ადგილად წოდებული, სადაც ყველა სულდგმულს აკრძალული ჰქონდა გავლა, მაგრამ ერთი მწყემსი არ შეუშინდა ამას და ცხვარი შედენა საძოვრად. ამ დროს ცამ შუბლი შეიკრა, ელვა აეკლანა ღრუბლებს, წამოვიდა კოკისპირული წვიმა, სეტყვა და რამოდენიმეჯერ ზედიზედ დაეცა მები; რა გადაიდარა, ნახეს მწყემსი და ფარა გაქვავებულიო, — განაგრძობდა მოთხრობას გოგლა მხიარულად.

დღეობაზე

ის ლამე გოგლასთან ვაათიეს ჩვენმა მონადირეებმა.

მიყვარხარ, დიდო ლიახვო, გიგლიოთქა

მიყვარხარ, დიდო ლიახვო, თავზე გველები მარადა; ჩემს გულში შემოიქერი ანაზდად, თავისთავადა.

ხშირად შენს ტურფა ნაპირზე დღე შემიცვლია ღამითა და, გუფიცები, ვყოფილვარ ყოველთვის მაღლიერ ამითა

გაფუტაცნივარ ოცნებას თავის მსუბუქი ფრთებითა; შენს სათავიდან ბოლომდე მიყილნია მთებითა.

დავმტკბარვარ შენის ყურებით, სულს მისცემია შეგბაო; ათიათასჯერ მიძღვნია შენს დიდებისთვის ქებაო.

მიყვარხარ, დიდო ლიახვო, მედგრად მოხვალ და გრიოლებ; გზას ვერ შეგიკრავს ვერავინ, — უმალვე გაატიალებ.

თუ ხარ კმაყოფილ, — ლიკლიკებ ბავშვის საამო ხმაზედა; თუ გაგაჯავრეს, — მეტოქეს რისხვას დაატებ თავზედა!

არ მოისვენებ არასდროს — შენთვის ეს არა სწერია; არ მოსწრებია ამ ამბავს ჯერ შენი ფართე ფსკერია.

თავისუფლების შვილი ხარ, ფეთქ და მოძრაობ მარადა, — იმიტომ გულს შემომექერი ანაზდად, თავისთავადა.

შესაფერი გყავს შეილებიც, გულში რომ გეხუტებიან; თავისუფლების ტრფიალნი, მხოლოდ იმისთვის კვდებიან.

შეხედე, რარიგ მიჰქუთის და ლიახვს დაბრკოლებასა, — ვინ დაიმონებს ორაგულს, მის უსრულებელ ნებასა!

მურწა, ციმორი, კალმახი შესტრფიან მზისა სხივებსა;

შენს ნაშენებს თავზე იბნევენ,
როგორც ალმასის მძივებსა.

მიყვარხარ, დიდო ლიახვო,
სიმბოლოვ მოძრაობისა,
თავისუფლების, ერთობის
და განუყოფელ ძმობისა!..

დ. ელიოზიშვილი.



მეორე დილას ხეობით უნდოდათ ასვლა მცირე მთიულეთში, რომელიც სულ ორიოდ ვერსზეა აქედან, თრიალეთის კალთებზე, რომლის მაღალ მხრებზეც თითქოს ხურჯინის თვლებივით გადაკიდულან აქედან ქართლი და იქიდან შორი ჯაფახეთი და სამცხე-საათაბაგო. იმათ შენიშნეს შარა გზაზე ყოველმხრით მომავალი ჩარდახიანი ურმები.

— რაა, შვილო, დღეობაში არ წამოხვალ? ბარემ ე ჩვენი სტუმრებიც წამოიყვა, და... მოაგონა გოგლას დედა.

— მართლა, დღეს ერის მოდენის დღეა, ხვალ წმ. ესტატობაა, ა ის ურმებიც სულ იქ მიდიან, წავადეთ ჩვენცა, იქ ნათლიმამა მყავს და... დაიწყო გოგლამ.

— რომ დაგვიგვიანდეს?

— არა, იქიდან უფრო ახლოა ტყე.

გასწიეს

გზაში გოგლა თავისი ოხუნჯობით ართობდა ყველას.

— სადაა ის ეკლესია? იკითხა სოსომ, როდესაც ჭანჭახების ძეგლიან ბუჩქნარს შეესიენ ვიწრო ბილიკით.

— აგერა, იმ სოფელს ხედავ, მალლობზე რომ მოსჩანს ორბის ბუდესავით? მაგრამ სსუ...

გაინაბენ მონადირის სიფრთხილით.

— რა არის?—წაიჩურჩულა ერთმა.

— შეხედე!—უთხრა გოგლამ და ანიშნა კორდზე წამოცუცქულ კურდღელზე, რომელიც უღვაშების ცმატუნით ზვერავდა მონადირეებს.

— აქ სავსეა, ბუჩქებში, — გადაუჩურჩულა გოგლამ სოსოს, რომელიც უკვე ნიშანში იღებდა. იგრილა თოფმა და კურდღელი შეკუნტრულდა, შეხტა და აღმა გაჰქუსლა ბორძიკით.

— მოხვდა!

ვანოს მწვეარი დაოთხილი მისდევდა.

— ჰო, რა უნდა გეთქვა იმ სოფელზე? მოაგონა ნიკომ.

— აგერა, გუშაგივით რომაა ამართული სველი საყდარი, წმ. ესტატეს სახელობაზეა. საქართველოში მარტო აქაა, მაგ სახელობის ნიშები კი ბევრგანაა; მაგაზე ამბობენ, მეხუთე საუკუნეშია აშენებულიო.

— მე მაგ წმინდანებისა არაფერი მწამს!—ჩაერია ვანო.

— ეხლა მოპყე შენცა! რა ვუყოთ, რომ არა გწამს... სავაგიეროდ ჩვენს წინაპრებს ხომ სწამდათ? მით უმეტეს, რომ ესტატე უწინ მონადირე ყოფილა და აკი ეს მხარეც მონადირეობით განთქმულია. საქართველოში მუდამ საპატიო ადგილი ეჭირა მონადირეობას, — მიუგო გოგლამ.

— ჰო, რადგანაც ისიც მონადირე ყოფილა, კარგი იყო გაგვეგო ჩვენი წინაპრის ამბავი, —წარმოსთქვა სოსომ ღიმილით და კურდღელი გადაიკიდა თოფით მხარზე.

— ამ სოფელში ერთი მონადირე იყო, განთქმული, სოფლის თვალი, ლამაზი გლეხი, მხარბეჭიანი, მოღვესე, მოშიირე, რომელსაც ძველმა მთავრობამ, ათას ცხრაას ხუთი წლის მოძრაობაში მონაწილეობისათვის, წითელი რაზმის მეთაურობის გამო, ჩამოხრჩობა გადაუწყვიტა, მაგრამ ოცი წლის კატორღად შეუტყვალა. იქ მოკვდა, ციმბირში, საკატორღო ციხეში; ტყვიას ბეჭედში აძვრენდა. რაც ის აღარაა, ძალიან გამრავლდენ ეს ვერანები, — სთქვა გოგლამ, რადგანაც მონადირეები გაკვირვებულ იყვნენ უამრავი კურდღლების და მელების მათ გზაზე გადარბენით.

— დათვი, მგელი, ტურა აქეთ ბევრი იცის და ის მუსრს ავლებდა ხოლმე. ირემი, შველი, ჯიხვი იშვიათად-ღაა: ხალხი მონადირეობას მისდევს და ისინიც დაფრთხენ, გადაიკარგენ საითღაც, უფრო კი ბორჯომის ხეობისკენ. ის უშლიდა ხოლმე ნადირობას აშეებზე, მას უნდოდა, რომ ეს სანუკვარი ნადირი გამრავლებულიყო საქეთა მხარეში. ის მოძრაობის დროს, აი, ერთობას რომ ეძახდენ 1905 წ. მესკამურა იყო (ასე ეძახდენ გლეხები მაშინ აგიტატორებს ქართლში).

მან წერა-კითხვა თურმე თავისით შეისწავლა მწყემსობაში: თოვლზე კომბლით სწერდა, ზაფხულობით ხეებს ჩამოსთლიდა და დანით სწერდა. ტყეში ეხლაც შეხვდებით მრავალ ხეს, სადაც მისი ლექსებია ამოჭრილი.

მცირე მთიულეთის მცოვრებნი ხომ თითქმის ყველანი ასევე სწავლობენ ხოლმე. ბევრი მათგანი კარგი მოღვესე-მოშიირეა... მონადირეობას, მესაქონლეობას და მეცხვარეობას მისდევენ; აგერ იმ ტყის გადაღმა ცხოვრობენ; მაგათი უმრავლესობა დიდ მთიულეთიდან — ფშავ თუ შეთიდან — არის გადმოსახლებულ-



ლ.; ფშავები და თუშები აქეთ მოერკებიან ხოლმე ცხვარს ზაფხულობით დიდი თრიალეთის საძოვრებზე; აქედან არაა ძალიან შორს.

— ჰო, შენ იმ ტაძარზე ამბობდი რალაცას, — გაუკრა ვანომ, რომელიც ლეგენდების მოყვარული იყო.

— ახლავე...

ერთაწმინდა.

სიომ ფრთები ააფარფატა ანცად...

ბუჩქები შეირხენ...

მზე აიწურა...

ავიდენ ლეგენდარულ სოფელში, რომლის სილამაზე ხიბლავდა ყველას: უკან ტყე, წინ — დაცემული მინდვრები, ვენახები. შორს მოსჩანს კავკასიონის მუდამ თეთრი მანდილით თავწაკრული, ცაღ აბჯენილი ქედები, რომლის იქიდანაც, ყოველ დილით, რა მზე ამოგოგდება ღიმილით, პირველ კოცნას ამ სოფელს შესთავაზებს, რადვანაც ესა პირველი მაყარი მისი შეხვედრის, მაღლობ ადგილზე.

ხალხი მარდი, ცოცხალი გამოხედვა, პოეზიით გატაცება...

ამას ხელს უწყობს თვით აქაური წარმტაცი ბუნება...

ამ სოფელზე გამოთქმული ხალხური ლექსი ახლაც გაისმის ხოლმე ფანდურის სიმებზე დამღერებით:

— ჩემო ლამაზო სოფელო:
წინ მინდორო, უკან ტყეო;
ქალებისა სათაშო,
ვაყებისა სამოთხეო...

საქართველოს ყოველი კუთხიდან, როგორც მთიდან, ისე ბარიდან, მოდიან აქ სალოცავად: ქართლიდან, კახეთიდან, მთიულეები, ოსები, რომლებიც აქვე ცხოვრობენ, ბერძენები შორი წალკიდან — მოდიან თავიანთი ეროვნული მუსიკის ხმაურებით, რომელიც ჩვენებურ ზურნას ჰკავს...

ტფილისიდან, გორიდან ამოსული კინტოები ატრიალებენ არღნის კორმას, ერთი მათგანი შეზარხაშებულა და სველი ხალათით ბუქნას უვლის, ბაღდადის გაშლით, სადღეობოდ აგებული ფანჩატურის წინ. არღნების ხაურში ირევა დოლის ცემა, ზურნის ქაქყინი, საზანდრის დაკვრა, ბრმა მეჩონგურის ბაიათი, რაქველი მესტერის ზუზუნნი მოსწრებული შაირით...

ყველა ეს ხალხი ამოსულია ტრადიციულ დღეობაზე ფულის საწოვრად, ზოგიერთი მათგანი მერამდენე წლებია დადის...

აგერა გალავანში სახელდახელოდ გამართული სავაქროები, საქართველოს ყოველი მხრით მოსული

მეწვრიმალები; ფოჩიანი კამფეტები, შლოთები, რედისხურმა, ქაშიში, აღჯანაბადი, ლატარი, სიოჯური კახური რუმბებით; იმერეთიდან ქვევრები, ქურქელი მოუტანიათ, მთიულებს ცხვარი ჩამოურეკიათ...

მლოცავები...

დედაკაცები თავზე თეთრ ხილაბანდწაკრულები.

— მე მიკვირს, ნუთუ ამ ხალხს მართლა სწამს კიდევ ეს ხატები, წმინდანები? გაკვირვებით წარმოსთქვა სოსომ, რა გალავანში შევიდენ და ამ სურათს უკვირდებოდა.

— არა, სწამთ და არცა სწამთ, — მიუგო გოგლამ.

— როგორ?!

— როგორ და, სწორედ გიხბრათ, ქართველი ხალხი არადროს არ ყოფილა მორწმუნე ქრისტიანი...


ჩვენი მოხუცი გლეხები ეხლაც კი, როდესაც დილით ადგებიან, პირს დაიბანენ და სახლიდან გავდენ სამუშაოდ ვენახში ან ნაფუხარში, ქუდს მოახდიან, მზეს შეხედავენ და იტყვიან: დილის მადლო, შენ შემეწიე და მომიმართე ხელიო.

ეკლესიას არც კი შეხედავენ, თუმცა დღეობების დროს, უქმე დღეებში შედიან წირვა-ლოცვაზე, მაგრამ ეს უფრო მიეწერება ადაჯს, რომელიც საუკუნეებითაა ჩანერგილი, და ეს დღეობაც ასეთივე; დღეობა უფრო იმისათვის იზიდავს გარშემო მყოფ სოფლებს, რომ აქ წელიწადში ერთხელ მაინც შეხვდება თავის ნაცნობს, მოკეთეს, მოყვარეს; ახალგაზრდობა ხომ დროს გასატარებლად დაიარება, უფრო კი ისინი, რომელთაც აქ ჰყავთ მოკეთეები; მე ერთი დღე მაქვს წელიწადში საღებინო, ამ დღეს მსურს შეხვდეთ ყველა ჩემ მტერ-მოყვარესო, — გეტყვის აქაური; ის მთელ წელს მუშაობს ბინაზე, ვენახში, მაგრამ ამ დღეს კი ლამაზად ხვდება, უყვარს თავის გამოჩენა...

ამ დღეს ხდება მრავალი ქორწილი, ნათლობა, ეს თითქმის ერთგვარ ეკონომიასაც ჰკავს ნადიმებზე ხარჯვაში, სადაც რამდენიმე თვის ხორაგეულს ერთ კვირაში გაანიავებს ხოლმე მასპინძელი ოჯახი, და აქ დღეობა ერთ კვირამდის გრძელდება; ესა ძველი სტილით 20 ენკენისთვის, ახალით — მღვინობისთვის.

ამ დღეობაზე ხდება ხოლმე ხშირად აგრეთვე მრავალ საქორწინო ახალგაზრდათა პირველი ღიმილი, გაცნობა, თვალის გადაკვრა, გარიგება, ბელგის მიცემა, ბევრი განსაკუთრებით ამისათვის უფრო მოდიან, — ამბობდა გოგლა.

ჩვენს მონადირეებს ზოგი ტფილისელი ნაცნობიც შეხვდა აქ, სადაც ერთმანეთს გაკვირვებით ეკითხებოდენ, თუ რამ ამოიყვანა...



მოჭრილი მკლავი.

ყვითელი თლილი ქვით აზიდულა ტაძარი ძველ ჩუქურთმებში... როგორც ისტორიული დიდება, ნაშთი მოკლებულია მზრუნველობას.

— ეს მკლავია ამ საყდრის აღმშენებლისა, — უთხრა მასპინძელმა, გოგლას ნათლიმამამ, სტუმარ მონადირეებს, რა გალავანი დაათვალიერეს ეკლესიის გარეთ, და შესავალი კარის ზემოდ ქვაზე გამოქანდაკებულ მკლავზე ანიშნა.

— როგორც გარდმოცემა ამბობს, მცხეთის ტაძრის აღმშენებელმა ოსტატმა რა ნახა, თურმე, ჩემმა შეგირდმა უკეთესი ააშენა ესაო, მარჯვენა მკლავი მოსჭრაო; ეს იმ შეგირდის მკლავია ამოჩუქურთმებული, — განაგრძობდა მასპინძელი მიხა.

— აქ ბევრი უძველესი ამბავი, გარდმოცემები არსებობს, რომელიც ესლა უკვე დავიწყებულია, მაგრამ რაც მახსოვს პაპიჩემის ნაამბობი, გეტყვიო...

ჩვენს სოფელს წინად ბატონყმობა თითქმის არ შენებია თურმე, საეკლესიონი ვყოფილვართ; არც თავადები ყოფილან; არის რამოდენიმე კომლი ყოფილი აზნაურები, მაგრამ ისინი გლეხებში იყვნენ გათქვეფილნი, ძმურად მცხოვრებნი, მშრომელნი.

ამ სოფლის თავისუფლების თაობაზე თურმე ბევრი სიგელ-გუჯარი ყოფილა ქართველ მეფეთაგან ბოძებული მტერთან ბრძოლებში ბევჯერ გამირობის გამოჩენისათვის, მაგრამ ზოგი რუსეთში წაუღიათ, როცა ისინი შემოსულან და ბევრი საგანძური გაუზიდათ საქართველოდან, ზოგი დაკარგულა.

ამ ეკლესიიდან ზოგიერთი განძი, ისტორიისათვის მნიშვნელოვანი, როცა საბჭოთა ხელისუფლება დამყარდა, მუზეუმს გადავეციო...

შევიდენ...

ირემი ჯვრით.

— აი, ეს... ამაზე ამბობენ, რომ წმ. ესტატეს მკლავიაო, მარჯვენა კი რუსეთს წაედოთ... უჩვენა ოქრომკერდში ჩასმული ძვალი, რომელიც მოხუც მღვდელს ეჭირა და მლოცავნი სამთხვევლად რიგში იდგენ...:

— აგერა აიმ კუთხეში უნდა იყოს, ვგონებ, პატას აკლდამა, გოორგი სააკაძის შვილის, რომელიც საქართველოში გამოლაშქრების წინ შაჰ აბასს მძევლად დაუტოვა. ესტატე იქ იქნა თავმოკვეთილი. ეს გალავანი მას შემდეგ ხომ მისი შთამომავლობის სამარხად გადაიქცა... აი დიდი სურათი — ხატი, — მხედარი მონადირე ცხენზე და ქედზე ყელმოღერებული ირემი, რომელსაც ნათელი დასდგომია და რქებ შუა ჯვარი გამოსჩენია სწორედ იმ დროს, როდესაც ის თოფს უმიზნებს, — ეს წმ. ესტატეა.

— მერე და მაშინ თოფი იყო? — იკითხა სტუმარი ლიმილით.

— მაგისი კი რა მოგახსენოთ, ეს ალბად მხატვრის ფანტაზიას თუ მიეწერება, — ჩაერია მასწავლებელი ქალი, რომელიც სოსოს ნაცნობი აღმოჩნდა და ხელი გაუწოდა...

— აქ ახლომახლო ბევრია „წმინდა ადგილებად“ ცნობილი მიდამოები, სადაც მონადირეებს აკრძალული ჰქონდათ ნადირობა, მაგრამ ეს არ შეშინებია ამ გაფრთხილებას, რადგან მაშინ წარმართი ყოფილა და პლაკიდე რქმევია სახელად.

როცა ირემი გაქცევიდა ნადირობას, გამოსდგომია ცხენდაცხენ, — ეს ყოფილა რკონის ღვთისმშობლის მიდამოებში — აქვეა, ახლოს, ტყეში, თეძმის ხეობაზე, სადაც მთიულები ცხოვრობენ. — ირემი რა ასულა ქედზე, მობრუნებია, ეს ის მომენტია გადაღებული, რქებ შუა გამოსჩენია ჯვარი სხივებით და უთქვამს:

— რა დავიშაგე? ნუ მესვრი! იყავ გულკეთილი უწყინარ ნადირებისადმი და მოსიყვარულე; უარჰყავ წარმართობა, მიიღე ქრისტიანობა და აღაშენე ტაძარი აი იქ...

და ამ ადგილზე უჩვენებია.

— ალბად იმიტომაა, რომ ირემი წმიდა ცხოველად ითვლება, — იხუმრა ნიკომ.

— პლაკიდე წამოსულა და აქ აუშენებია პატარა ტაძარი, შემდეგ მორწმუნე ხალხს ის წმინდანად შეურიცხავს და ეს დიდი ეკლესია დაუდგამს.


ამაში დიდი ღვაწლი მიუძღვით სამ ძმა ბატყაშვილებს, რომლებიც გმირი ვაჟაკანი ყოფილან ადსაუკეთესო მონადირენიც...

ცეცხლში დაწვა.

— იმათზე გარდმოცემა ამბობს, რომ როდესაც ურიცხვი მტერი დასევიათ და ძლეულან უთანასწორო ბრძოლაში ამ სოფლის მცხოვრებლები, ის სამი ძმა გადარჩენილა, რომელთაც თავი შეეფარებიათ, ალყაშემორტყმულებს, აი ამ მთავარანგელოზში... უჩვენა მასპინძელმა ეკლესიაზე მიშენებული პატარა დანგრეული შენობა.

— მტერს ცეცხლისთვის მიეცა, თურმე, სოფელი; ის სამნი ძმანი ჩაეკტილან და აქედან, სათოფურებიდან, უმუსრიათ მომხდურნი, ვიდრე საშვალეობა ჰქონიათ; მტერებს წინადადება მიეცათ, რომ დაწებებულიყვნენ, მაგრამ უარი მიეღოთ. მაშინ ბინიდან ცეცხლწაყიდებული თივა ჩაეყარათ. ერთი შიგ ამოეჭრუკათ, მეორე კარში გამოვარდნისას მოეკლათ და მესამე ტყვედ წაეყვანათ.

გზად გაევილოთ, თავიანთ ქვეყანაში მიმავალთ დავლით, სწორედ იქ, სადაც ოდესღაც პლაკიდეს გამოეცხადა ირემი ჯვრით. დაღლილებს შეესვენებიათ,



პირველი მაისი ბერლინში.

წამოწოლილიყვნენ, ჩასძინებოდათ; ჩასძინებოდა
აგრეთვე ტყვესაც, და სიზმარში გამოცხადებოდა ეს-
ტატე თეთრი მხედრის სახით და-ეთქვა:

— ადექი; წადი და აღაშენე სოფელი იქვე.

— როგორ წავიდე, როდესაც ხელ-ფეხშეკრული
ვარ? — მიეგო ტყვეს.

— ადექი, თავისუფალი ხარ, — მოესმა თურმე
იგივე ხმა და აღვა. ხელ-ფეხი მართლაც შეხსნილი
ჰქონოდა.

რა ნახა თურმე, რომ დარაჯებს სძინავს, გამოე-
ქცა და კვლავ განაახლა. სოფელი. მოშენდა მოსა-
ხლეობა, გაიზარდა, ეს თითქმის მათი საგვარეულო
სოფელია.

ამაზე ეხლაცაა დარჩენილი ჩვენებურებში შე-
მდეგი თქმულება — ლექსად:

— „ერთაწმინდა რომ დაიწვა,

ცაში ავარდა ალია;

ბატყუაშვილნი გადარჩენ,

რა საყვარელი ძმანია!

ერთმანეთს ეუბნებიან:

საით გავიღოთ კარია,

მაჟულისთვის თავდადებულს

ტკბილი ექნება მტკვარია!! და სხვა.

სეზმან.

(დასასრული იქნება).



წითელი რაინდი.

(ზღაპარი)

მოქმედნი პირნი:

- 1. მზის ასული
- 2. ცისპანგი
- 3. დოლბანდი
- 4. მთის ქალები

- ყვავილეთის დედოფალი
- ყვავილეთის რაინდი
- წითელი რაინდი
- ყვავილეთის გუნდი.

ამალა, მსახურნი, მუშები, ბავშვები.

მოქმედება სწარმოებს კავკასიონის მთებში, შორეულ წარსულში.

სურათი პირველი.

მშვენიერი ღელე მთებში. სისხამი დილა. პირდაპირ მოჩანს მთის მწვერვალი, მარჯვნივ და მარცხნივ—ტყიანი მთის ფერდობი; წუთში—ამწვანებულ ღელე, ლამაზი ყვავილებით სავსე; მთის წვერიდან ჩამოდის მზის ასული, ყვავილეთის დედოფალის სამოსელში, მზის სხივებით გაბრწყინებული, და ადის ყვავილების ტ-ტ-ტ-ტ. ფერდობებიდან ჩამოეშვებიან მთის ქალები და ორ მწკრივად შემოერთდებიან დედოფალს; ტანისამოსი მთის ქალებისა შეეფერება მთის ყვავილებს ისე, რომ ყველანი ერთად შეადგენენ სხვადასხვა ვარდ ყვავილების ერთ მშვენიერ თაიგულს, რომელსაც ამშვენებს საუცხოო მზის ასული.

მზის ასული: განთიადის ჟამს, როს მთათ მწვერვალებს

მზე სხივციალა ააეღვარებს,
 ნისლთა გუნდები, ვით ფარა ცხვრისა,
 გადხევება გადაღმა მთისა...
 სიო დილისა, ნარნარი, ნაზი
 ტკბილად დამღერის ყვავილებს ნანას..
 აშრალდება ვენახში ვაზი...
 აბიბინდება მინდორში ყანა...
 გამოიღვიძებს ჩიტი მალხაზი,
 გამოიღვიძებს მთელი ქვეყანა...
 ძილგატეხილი და დაქანცული
 ზღვა ლოდნის ნაპირს ზვირთთა
 რკალებით!

გეც მაშინ ვჩნდები, მზისა ასული,
 ლამაზ ღელეში, ლამაზ ქალებით...

მთის ქალები: (მისეალმებიან მზის ასულს და იწყებენ სიმღერას ცეკვით, თან უკრავენ ავილებს).
 ჩვენ ვართ ალები,

მთისა ქალები,
 მთაში ღელეა ჩვენი სამშობლო...
 ვილხინოთ, ვიდრე
 ჩვენი სიმღიდრე
 ორა ზღვის კიდე
 და მთის ქედია...
 მთის არწივები,
 მზისა სხივები
 და ყვავილები
 ჩვენი ბედია!..

მზის ასული: ოჰ, მეგობრებო, თქვენი სიმღერა, ვით ხმა ბულბულის, ტკბილი, ნაზია. სიცოცხლეც თქვენი, თაიგულივით, მუდამ სურნელი და ლამაზია... მზესა ბრწყინვალეს რა შეედრება სხივთა ციალით დაბლა ან ცაზე?.. ჩვენსა სამეფოს, ტურფა ყვავილეთს, რა სჯობს კიდევ აქ, დედამიწაზე? თვალ-მარგალიტით უხვად შემკული ჩვენი ბუნება მრავალფერია, ჩვენი ცხოვრება სწრაფი ტალღებით დაქანებული მთის ჩანჩქერია... რომელ ზღვის პირას, რომელ კუთხეში მოიპოვება სხვა ყვავილეთი?! სად უერთდება ასე ლამაზად ერთი მეორეს ზღვა და ხმელეთი?

მთის ქალები: (კვლავ იმეორებენ თ ვის სიმღერას: „ჩვენ ვართ ალები“...)

მზის ასული: მშვენიერია თქვენი გალობა. მას ბანს აძლევენ მაღალი მთები.. მას აპყვებიან ტყეში ფრინველნი, მას მიბაძავენ ჩუხჩუხა წყლები... თქვენი სიმღერა ქებაა მთების, სადაც ბუღობენ მთის არწივები, სადაც არღვევენ ცისა სიმაღლეს ნათელმფინარი მზისა სხივები... სადაც ვერ აღწევს კვამლი მიწისა, სუფევს ლაქვარდი უმანკოების; სადაც საზღვარი არა აქვს სივრცეს და დრო არა აქვს სივრცეს დროების, სადაც დროება ვერ ამოსწორეს ვერც მეფეებმა და ვერც უფლებამ... სადაც ღმერთად და მეფედ ითვლება მხოლოდ უკვდავი თავისუფლება...

მთის ქალები: (მღერავენ)
 ოჰ, რა კარგია თავისუფლება.
 თვალთა სინათლე—მზის ბრწყინვალეობა.



მას სიხარულით ყველა უხვდება:
 სალამი სხივებს, ძირს მწუხარება!
 ჩვენ არ გვაკლია სითბო, სინათლე,
 ჩვენ სნეულება ვერ გვეკარება...
 მზეო ცხრათვალავ, შენი სიახლე
 თვით სიცოცხლეა და ნეტარება!..
 შენგნით ხარობენ ტყე და არენი,
 შენი წყალობით ვარდნი ჰყვებიან;
 ყველა სულდგმულნი და მცენარენი
 შემოგტრფიან და შემოგხარნიან...
 სალამი სხივებს! ლამაზ ყვავილებს,
 მთაში გამოზრდილთ, მშვენიერებსა...
 მაგრა დაჰბერეთ ლერწმის ავილებს,
 მთებს ნუ მოაკლებთ ტკბილ სიმღე-
 რებსა!

(ტყიდან მოისმის ხმაურობა)
 სსუ! ტყე შრიალებს!.. ისმის ძახილი.
 აგერ გამოჩნდა ლურჯი ლაშქარა...
 (მდინარის ნაპირიდან მოეშურება
 ლაშქარა)

მთის ქალები: რა ამბავია? რა მოხდა, გვითხარ, მო-
 დი, გვიამბე, გვიამბე ჩქარა!..
 (ლაშქარა მოუახლოვდება, სალამს
 აძლევს დედოფალს)

ლაშქარა: ულამაზესო ყვავილთა შორის,
 ყვავილეთისა გრძნეულო თვალო,
 თქვენი რაინდი მოდის ამალით,
 ქვეყნის შეუფევ და დედოფალი!..

მზის ასული: რაინდს დაუხვდით და გზა უჩვენეთ;
 ვარდ-ყვავილებით გზა დაუშვენეთ!..
 (ლაშქარა მდინის დასახვედრად რამ-
 დენივე ქალით)

ცისჰანგსა სწყალობს მუდამ ამინდი:
 მზე ბრწყინავს, მთებში რომ გამოჩნ-
 დება;

მუდამ გვახარებს ჩვენი რაინდი—
 ვით სიყვარულის ტკბილი ოცნება...
 (შემოდის ამალით და მოწიწებით მი-
 ესალმება დედოფალს)

ცისჰანგი: სალამი მზეს და მშვენიერებას,
 სალამი ყვავილთ ნაზ დედოფალსა!
 სალამი ჩვენსა ბედნიერებას
 და ყვავილეთის შვენებას, თვალსა!..
 მონა ერთგული დღეს გაიხელით
 მთელი ჯარით და მთელი ამალით:
 უცხო რაინდი გამოჩნდა ხევით,
 ჩვენს მთებს ეწვია სწრაფად და მალ-
 ვით...

სამოსი მისი სისხლის ფერია!..

მთის ქალები: (შეშინებულნი)
 სისხლის ფერია?
 ალბად მტერია?!.

ცისჰანგი: ხელში ნამგალი დაუჭერია...
 არავის ერჩის: წყნარად იქცევა,
 პაწია ბავშვსაც არ უჩენს წყრომას...
 მუშა-ხალხს მუდამ ძმურად ექცევა,
 ყველგან ქადაგობს ერთობას, შრომას.

მთის ქალები: ვის ეკადრება?!
 არ ევარგება—შრომა!..
 როგორ გაბედა...
 ვილაც თავხედმა—მაგისი მბობა?!.
 მიწაზე ძრომა—მიწაზე შრომა!

მზის ასული: მიწაზე შრომა? რას ნაშნავს, ნეტავ?
 ვინ გაიგონა, საკვირველია!
 ფტიქრობ, რომ შრომა ყვავილეთის-
 თვის

მავნებელი და მეტად ძნელია!
 ნუთუ შეგვშვენის ლამაზ ყვავილებს
 დაბლა, მიწაზე, ტალახის ზელა!..
 და არც ვიკადრებთ, ვარდებს ჩვეულნი,
 დამეთანხმებით ამაში ყველა!..

ცისჰანგი: რა სათქმელია! ვინ მისცემს ნებას,
 შრომამ აჯობოს ლამაზ ოცნებას?!..
 ვის გაუგია, რომ მარჯვე ხმაღსა
 ვამჯობინებდეთ მოკლე ნამგალსა?..
 მუდამ მზადა ვარ, თქვენი რაინდი!
 ჩვენი მომხრეა მზე და ამინდი!..
 (უეცრად შემოვარდება ლაშქარა)

ლაშქარა: (აშფოთებული)
 მოდის! აქ მოდის! პირდაპირ მოდის!
 ყურს არ ათხოვებს მცველთ და
 დარაჯებს...
 თვითონ ეშმაკს ჰგავს რქებმომტვრე-
 ულსა,

მისი მხლებლები მიჰგვანან ქაჯებს...
მთის ქალები: მოდის! აქ მოდის! საშინელია!
 (ყველას მღელვარება ეტყობა)

დოლბანდი: (შემოდის მძიმედ თავისი ამხანაგებით;
 ხელში ნამგალი უკავია; მის ამხა-
 ნაგებს—წერაქვები)
 სალამი ყველას!

ცისჰანგი: როგორ თუ ყველას? განა ვერ ხე-
 დავ შენ დედოფალსა?!.

დოლბანდი: რა დედოფალსა, რის დედოფალსა?
 მე ვხედავ მხოლოდ შეკრებილ ხალხსა!

მზის ასული: (შეტვეით)
 ვინა ხარ? აქ რისთვის მობრძანდი?!
დოლბანდი: მე ვარ მშრომელი—მუშა
 ბანდი.

მზის ასული: მერე რისთვის ხარ სულ მთლად წითელი?

დოლბანდი: სისხლში დაცურავ სიცოცხლე მთელი.

მთის ქალები: საშინელია!.. სულ მთლად წითელი, სისხლში დაცურავს სიცოცხლე მთელი...

ცისჰანგი: მერე ვისია სისხლი მაგდენი? რა არსებაა მისი დამღვრელი?!

დოლბანდი: მისი დამღვრელი?.. გიაბობთ ყველას, თუმც არ იქნება სიამის მგვრელი...

მზის ასული: არა უშავს-რა... გვითხარით ყველა, თუნდაც რომ იყოს კრულვა და წყევლა.

დოლბანდი: მაშინ, როდესაც გაჩნდა ქვეყანა, მეფობდენ მხოლოდ უმან კო დრონი... თუმც ჯერ არ იყო არსად „სამეფო“; მაგრამ გამოჩნდენ უკვე „პატრონნი“... არ იყო არსად დანაშაული და არცა სცნობდენ ჯერ „დამნაშავეს“; მაგრამ „პატრონი“ უკვე არჩევდენ ადამიანებს „თეთრებს“ და „შავებს“. „თეთრები“ „შავებს“ მონებად სთვლიდენ:

ამუშავებდენ, ძაღლებზე სცვლიდენ... და იღვრებოდა ოფლი „მონების“: ეს იყო მსხვერპლი „ლამაზ დროების“...

დრონი მეფობენ: იცვალა ხანა — „სამეფოდ“ გახდა მთელი ქვეყანა... გაჩნდენ „მეფენი“ და დედოფლები“, ჯარით აივსო ქალაქ-სოფლები... ყველგან სუფევდა „მეფისა ნება“... ხალხს დარჩა მხოლოდ ტანჯვა-ვაება! თავზე დაიდგეს „გვირგვინი ლომით“ და ერთობოდენ „ზეიმით“, „ომით“. ხალხი ხალხსავე უმხედრდებოდა: ძმა ძმის ხელითვე „ომში“ კვდებოდა: „ძღვეამოსილნი“ იყვნენ „მეფენი“, მათ ეძლეოდათ ძვირფასი „ძღვენი“... ხალხი ცურავდა სისხლის მორევში: არ ითვლებოდა „მსხვერპლი“ ომებში...

დროს თან დასდევდენ მუდამ „ღმერთები“: მათ არ იკმარეს მაღალი მთები... ყველგან ჩნდებოდენ: ხმელეთზე, წყლებში,

და დაბინავდენ ბოლოს „ტაძრებში“. შემოიკრიბეს „ქურთუმა ხმავეს“ „საწირავს“ უწყეს კრეფა და „გროვდა“ და „საწირავი“ კრიფეს მათ, ვიდრე ხალხს გამოსტყუეს მთელი სიმდიდრე... ხალხსა სწყუროდა ხსნა-დახმარება, მათ ნაცვლად მისცეს მხოლოდ წამება... ასეთი იყო „ღვთისა“ დროება: ხალხს მსხვერპლსა სთხოვდა „სარწმუნოება“... სულ ასე იყო; უსამართლობა არ მოსპობილა ჯერ ქვეყანაზე: დღესაც იღვრება ოფლი მშრომელის დაბლა, მთის ძირას, გლეხის ყანაზე... და თქვენ კი... აქ რომ მაღლა, მთის წვერზე, ხარობთ და სტკებით ყვავილებითა, ნუთუ ვერა გრძნობთ, რომ მათ სისხლსა სწოვთ და სტკებით მხოლოდ მათ წვალებითა?!

მზის ასული: რას ამბობს, რასა? ვერ გამიგია! რაზე გვანიშნებს სტკუშარი ჩვენი?!

ცისჰანგი: ოჰ, დედოფალო, რა თავხედია! ბრძანეთ, გადავცე მას წყრომა თქვენნი.

მთის ქალები: (გაკვირვებით) საშინელია!.. სულ წითელია ამ ხალხის ფერი!.. საკვირველია!.. რათ უთმენია ამდენი მტერი!?

მზის ასული: განაგრძოს კიდევ... იქნებ მიეფხვდე წითელ რაინდსა გულისა წყრომას... იქნებ მენიშნოს, რათ ცხარობს ასე, როცა ახსენებს „ოფლსა“ და „შრომას“...

დოლბანდი: ოჰ, მზის ასულო, ქცნობა მოეღის თქვენ ვარდებს და თქვენ ლამაზ ყვავილებს. გლოვა მოჰყვება თქვენსა ზეიმსა, ჰანგი მწუხარე ელის ავილებს!.. ნუთუ ვერა გრძნობთ; როგორ მიძიმა თქვენი ლამაზი სამკაულები? ნუთუ ვერ ხედავთ, რით მოგირთვიათ თქვენი ყელი და თქვენი გულები!.. ოჰ, დედოფალო, ყელს რომ გიმშვენებს,

ეგ მძივ-გულქანდა სხვილ მარჯანისა,
 შეღებლია სისხლით დედების,
 შროპით გალყულ მათი ჯანისა...
 და ეგ გვირგვინიც, თავზე რომ გადვას
 მარგალიტით და ძვირფას ლაღებით,
 გაუღენთილია ცხარე ცრემლებით
 დღე-ღამ მატირალ დამშრალ ჟვა-
 ლების ..

(ყველანი შეშინებულნი ეკვირან დე-
 დოფალს; ყველას ეჩვენება სისხლი
 და ტანისამოსი ეღებებათ სისხლის
 ფრად—წითელი შუქით)

მთის ქალები: საშინელია! სულ წითელია ჩვენი სა-
 მოსის ფერი!..
 ალბად მოვიდა სადღაც შორიდან—
 დღეს ჩვენი ჯერი!..

დოღბანდი: სულ მართალია. ვეღარ უშველის
 ყვავილთ სამეფოს თქვენი რაინდი...
 დრომ ის გალია: მზემ უღალატა;

ცისჰანგი. ალარ მოუვა კარგი ამინდი! (ცა
 იღრუბლება, ბნელდება)
 (იძრობს ხმალს)

ბოროტო სულო! შენ მოგვიტანე
 უბედურება!
 (მივარდება, უნდა დაჰკრას ხმალი,
 მაგრამ მას ახვედრებენ წერაქვებს;
 ხმალი ცისჰანგს ხელში ეწვება
 ცეცხლისაგან, რომელიც ელვასა-
 ვით ჩნდება—ცისჰანგსა და მის
 ამაღასა და მუშებს შორის ბრძო-
 ლის დროს).

დოღბანდი: დრონი მეფობენ—არა მეფენი!
 მოვიდა მათი დღეს აღსასრული:
 ყველგან ისპობა მტარვალთ სამეფო,
 და სდგება ყველგან ხალხი ტანჯუ-
 ლი!..

(ცისჰანგი გაგიჟებული, იარაღაყრი-
 ლი გადიჩხება კლდეში; ამაღის
 ნაწილი გარბის, ნაწილი ჰყრის
 იარაღს და უერთდება მუშებს).
 ფარდა.

სურათი მეორე.

იგივე ღელე, გაკაფული და გადახნული. წინ—
 შებმული გუთანი, რომელსაც მისდევენ ფრად კა-
 ბებში მორთული გლეხის ქალები. მოშორებით, ხის
 ძირას, ქართულად ჩაცმული მანდილოსანი გარს შე-
 მოხვეული პატარა ბავშვით. კალთაზე გადაშლილი
 აქვს დიდი წიგნი სურათებით, რომელსაც სინჯავენ
 ბავშვები, ქალები მისდევენ გუთანს და მღერაინ.

ქალები: (სიმღერით)

დიდება მზესა ბრწყინვალეს და ლა-
 სნივებს.
 სალამი ჩვენს მაღალ მთებსა და მთის
 არწივებს.
 დიდება შრომას ალაღსა, წმინდას,
 მშვენიერს...
 დიდება ჩვენს მშრომელ ხალხსა, ჩვენ-
 სა ლამაზ ერს!..
 გაუმარჯოს მუშა-ხალხსა: მხენელსა
 და მთესველს...
 შრომაში დაუღალავსა, მუდამ ოფ-
 ლით სველს...
 მას ეკუთვნის მომავალი—ნებისუფ-
 ლება...
 მარადისობის გვირგვინი—თავისუფ-
 ლება!


(მისდევენ გუთანს, რომელიც გადის
 მარჯვნივ)


1-ლი ბავში: მერე, დედი, სად წავიდა მზის ასული?
დედა: ის დაეშვა დაბლა ბარზე,
 და, როს თავის თვალთ ნახა
 ხალხი, ტანჯვით დაჩაგრული,
 ჯავრისაგან დაქცნა, გახმა
 ბოღმით საესე მისი გული...
მე-2 ბავში: ცისჰანგს რაღა მოუყიდა?..
დედა: ცისჰანგმა ვერ აიტანა ყვავილეთის
 გაწითლება,
 და, ნამგალზე ხმლისა გაცვლა არ
 ისურვა, არ ინება...
 გაშმაგებით ეცა დოღბანდს, დააპი-
 რა მის განგმირვა,
 მაგრამ თავზე მას დაატყდა მთელი
 ქვეყნის რისხვა-გრგვინვა:
 ხალხი ცისჰანგს აუშხედრდა,
 ჯარიც დოღბანდს მიეშველა,
 და მოისპოა ქვეყნად ომი—
 შრომით იბრძვის ახლა ყველა!..

მე-3 ბავში: ყვავილეთი რაღა იქნა?
დედა: ყვავილეთი, ჩემო კარგო,
 შრომის კუთხედ გადაიქმნა...
 და იქ, სადაც მთის ქალები
 დამღეროდნ ვარდს და ყვავილს,
 შრომას მისდევს მთელი ხალხი
 და ეს კუთხე ვარდად ჰყვავის...
 მას აქეთა მთის გარშემო
 ჩვენ ვერ ვხედავთ ცრემლს და დარ-
 დებს,
 და მშრომელი თვითონა ჰკრეფს
 შრომის ნაყოფს, შრომის ვარდებს.
 (სიმღერით მისდევენ გუთანს, რომე-
 ლიც გადის მარჯვნივ)
 „დიდება მზესა ბრწყინვალეს და ლა-
 მაზ სხივებს“.

(იმეორებენ სიმღერას).
 ფარდა

გენო ყორჩიბაში.





ახკომკავშირელი, პიონერი და ოქტომბრელი.

პიონერი სოფლად.

ის იქ ატარებს წითელ ყელსახვევს და სიყვარულით უცქერის ყველას, ბავშურ სიყვარულს ღიმილში ახვევს და გლეხებს შრომით ჰპირდება შველას.

არ არის მასში გრძნობა სიყალბის, შრომის შეილებში საუბრობს მუდამ: „იცით, ბავშებო, სულ მზად იყავით, რომ გზა ცხოვრების არ დაგვხვდესო მრუდად.

სწავლაა ჩვენი ბედის გამხსნელი და შრომის ტრობა—მიზნის მიხწევა, იქნით მუდამ დაუზარელი, და რწმენა მზედაც გადაიქცევა“...

ლამაზად სიტყვებს გაათამაშებს, ყველას თვალბში ჩააშტერდება, პატარა გულებს რწმენით აავსებს და სიხარულში ამზიურდება.

ყოველთვის, როცა თვალახელილი მზე აენტება ოქროს მძივებში, ეს პიონერი მუდამ პირველი ჩადგება სოფლის გოგო-ბიჭებში...

და ხალისიან მღერა-ხმაურით ყანებისაკენ ერთად მიდიან, სადაც დამწიფდა პურის თავთავი, სადაც გლეხები მიიმღერაინ!..

იქ, ოქროს ფერში გაშლილი ყანა ოდნავ დახრილი ნამგალს მოელის, რომ ამოავსოს მშჷომელთ ქვეყანა, ლუქმაპურისთვის ოფლის მთოველი..

გაცხოველებულ შრომის ფერხულში მოსჩანს პატარაც ყელსახვევიდან, სიმხნეს ატარებს ნორჩ-სპეტაკ გულში, რადგან სიზანტე არა სჩვევია.

კვალში მისდევენ სოფლის ბავშებიც ძვირფას მეგობრის წახალისებით, ცდილობენ, უკან არვინ ჩამორჩეს, შრომის სურვილით გული ევსებათ...

და ბინდისას კი, სალამოს სუნთქვა როს გადევკრება სოფლის მიდამოს, მწუკობრად აწყობენ კონებს ზვინებად, რომ პური სახლში გადაიტანონ...


ურმები ნელა მიჭრიალებენ, უღელს ერთგულად სწევენ ხარები, და ჩამავალ მზის ცეცხლის ალები ამკობს ბუნებას აფერადებით...

აქ პიონერი დალილ სუნთქვიდან თავის ცხოვრებას კვლავ უბრუნდება, გლეხის ბავშებიც თავს ევლებიან, არა სწყინდებათ მისი ყურება...

შემდეგ კი, როცა სოფლის გლეხებმა ამ პიონერის შეიგრძნეს გული, ყველა ბავშები ყელსახვევებით მეორე დღესვე იქნენ მორთულნი.

და ძლიერ ხშირად სოფლის ფერდობზე ლამაზი მწყობრით იარებიან, უკვე იციან თვისი მიზანი,— მშრომელი ხალხის ზურგში სდგებიან...

ე. პოლუმორდვინოვი,



პიონერის პირადი სწავლა

თამამად შეიძლება ითქვას, რომ პიონერის პირადი სწავლის საკითხს დღემდე კოლექტივის მუშაობაში სათანადო ადგილი არ ჰქონდა დათმობილი. მომავალში მდგომარეობის ამ სახით გაგრძელება ყოველად შეუძლებელია.

რა უნდა ჰქნას პიონერ-კოლექტივმა.

პირველი ადგილი ამ შემთხვევაში თვით პიონერ-კოლექტივს უჭირავს. კოლექტივის საქმეა — კოლექტიური კონტროლი გაუწიოს პიონერების სწავლას, ვინაიდან ამაში ის უშუალოდ დაინტერესებულია. ეს შეიძლება გამოიხატოს რგოლებსა და პიონერ-კოლექტივებში პიონერის სწავლის საკითხის დასმით, ჩამორჩენილი მოწაფეებისადმი დახმარების გაწევით. პიონერ კოლექტივმა აღრიცხვაზე უნდა აიყვანოს ყველა მოსწავლე პიონერები, უნდა იცოდეს, რომელ სკოლებში და რა ჯგუფში სწავლობენ ისინი; პიონერ-კოლექტივს ნათელი, გარკვეული წარმოდგენა უნდა ჰქონდეს ყოველი ცალკე პიონერის საერთო განვითარებაზე.

ბუნებრივია, რომ ეს ყველაფერი განსაკუთრებით კარგად უნდა იცოდეს თვითონ პიონერ-კოლექტივის წინამძღოლმა.

საჭიროა, თვით პიონერებმა შეიგნონ, თუ რა მნიშვნელობა აქვს სკოლას და სასკოლო სწავლებას. ეს შეგნება კი იმაზეა დამოკიდებული, თუ თვითონ კოლექტივი მთლიანად როგორ ყურადღებას აქცევს სასკოლო სწავლების საკითხს. ხშირად ყოფილა შემთხვევა, რომ სკოლაში მეცადინეობის დროს პიონერი კოლექტივის სადგომში იჯდა, ხში-

რად სრულიად უსაქმოდ. საჭიროა სასკოლო სწავლება პიონერ-კოლექტივის მუშაობის გვერდით დავაყენოთ და თვალყური ვადევნოთ, რომ პიონერი გრძობდეს კოლექტივის კონტროლს სწავლის საქმეში და სკოლაში მუშაობას სერიოზულად ეკიდებოდეს.

ვინ და რატომ სუსტობს სწავლის საქმეში.

საინტერესოა აღვნიშნოთ, რომ ჩვეულებრივად პიონერებს, რომელნიც კოლექტივებში აქტივისტებად ითვლებიან, სკოლაში ნაკლები მიღწევები აქვთ, სუსტობენ, და ის ბავშვები კი, რომელნიც თავის პიროვნებას კოლექტივში ვერ ააშკარავებენ, სკოლაში სანიმუშო მოწაფეებად ითვლებიან, დიდი მიღწევები აქვთ სწავლის საქმეში.

ცხადია, როგორც პირველი, ისე მეორე მოვლენაც მეტად ცუდია. უნდა შევძლოთ სკოლის და პიონერ-კოლექტივის მუშაობის დაკავშირება.

იმ შეცდომებში, რომელით ამა თუ იმ მხრივ გადახარაში გამოიხატება, ხშირად წინამძღოლს მიუძღვის ბრალი. ხშირად ამა თუ იმ დღესასწაულის მოახლოებისას პიონერების წინამძღოლი აგზავნის სკოლაში მიმართვას ამა თუ იმ პიონერების განთავსულობების შესახებ, და ამით თვითონ უშლის ხელს სკოლაში სისტემატიურ მუშაობას და, გარდა ამისა, წინამძღოლის მხრივ ასეთი მოქცევა ბავშვებსაც გულს უტრუებს სკოლაზე.

რგოლმა იცის, როგორ სწავლობს პიონერი.

პიონერ-კოლექტივში აუცილებელია სასკოლო სწავლების ირგვლივ საზოგადოებრივი აზრის შექმნა — და არა მისი უკან დაყენება, როგორც ეს ხშირად ხდებოდა.

ყოველმა რგოლმა თავის საერთო მუშაობაში ამ კითხვებს შესამჩნევი ადგილი უნდა დაუთმოს. რგოლში უნდა სწარმოებდეს სკოლაში სწავლის საქმეებთან გაცნობა, გაცნობა ბავშვების მიღწევების, რომ ვიცოდეთ ბავშვების სწავლის დადებითი და უარყოფითი მხარეები.

ისე უნდა მოგვარდეს საქმე, რომ ბავშვები არ უმაღლავდნენ რგოლს, პიონერ-კოლექტივს ყველაფერ იმას, რაც არის ცუდი ან კარგი მათი სწავლის საქმეში.

ყოველი პიონერი, გარდა პირადი პასუხისმგებლობისა თავისი სწავლის საქმეში, პასუხისმგებლობას უნდა გრძობდეს აგრეთვე თავისი რგოლის, კოლექტივის წინაშე, კოლექტივში უნდა ექმნებდეს ის დასაყრდენს და დახმარებას მეცადინეობის საქმეში.

გარდა ამისა, პიონერის ჩამორჩენა სწავლის საქმეში მარტო დატვირთვით არ არის გამოწვეული, არამედ იმ ინდივიდუალური თავისებურობით, რომლითაც დაჯილდოებულია ესა თუ ის პიონერი. ყველა ამ უარყოფითი მხარეების გამოკვლევას ყურადღება უნდა მიაქციოს კოლექტივმა და ზომები მიიღოს მის გამოსასწორებლად.

დახმარება ჩამორჩენილ პიონერებს.

ჩამორჩენილი ბავშებისთვის შიგნით რგოლში ეწყობა კოლექტიური დახმარება. პიონერები დაყოფილი არიან ჯგუფებად—3-4 კაცი თვითოეულში. ისინი იკრიბებიან ერთ-ერთი პიონერის სახლში, ან რგოლის სადგომში. ეს ჯგუფი კოლექტიურად ამუშავებს მასალას, აწყობს საერთო კითხვას და სხვ. ამ მუშაობაში დახმარებას უწევენ მასზე მიმაგრებული კომკავშირელები და ნაწილობრივად წინამძღოლიც.

ამ შეერთებული მეცადინეობის გადაქცევა უბრალო დაზეპირებად არამცდარამც არ შეიძლება. კომკავშირელი, რომელიც დახმარებას უწევს პიონერთა ჯგუფს, ითვალისწინებს ბავშბის ინტერესს და მუშაობას საფუძვლად ბავშთა თვითმოქმედებას უდებს.

კოლექტივი უნდა დაეხმაროს იმ პიონერებს, რომელნიც სახელმძღვანელოებს და სხვა სასწავლო საგნებს საჭიროებენ. ამისთვის საჭირო საშუალება კოლექტივმა უნდა აღმოაჩინოს.

როგორია ფორპოსტის როლი პიონერთა სწავლის საქმეში?

მიუხედავად იმისა, რომ ფორპოსტის პირდაპირ მოვალეობას შეადგენს პიონერების სწავლის საქმის ყურისგდება, დღემდე ამას ფორპოსტები ნაკლებ ყურადღებას აქცევდნენ.

ფორპოსტის მოვალეობაა—სწორად გააგებინოს პიონერებს ის ამოცანები, რომელიც მათ წინ სდგას სწავლის საქმეში. ფორპოსტი უნდა იყოს ორგანიზატორი და ხელმძღვანელი პიონერების სწავლის საქმეში. ამის მიღწევა შეიძლება ფორპოსტის კრებებზე სასკოლო სწავლის საკითხების დასმით და მათი ყოველმხრივ გარკვევით.

ფორპოსტის კრებებზე უნდა ვეცნობოდეთ ჩამორჩენილი ბავშბების და დანარჩენების მიღწევებს სწავლის საქმეში. ფორპოსტი აწყობს ჩამორჩენილი ბავშბებისთვის კოლექტიურ დახმარებას სკოლაში მოცემული დავალებების დამუშავებაში, თუკი საჭიროა, სახელმძღვანელოებითაც.



იყავი მზად!


გამსჭვალულნი ერთი გრძნობით და ერთგვარი ფიქრით, დარაზმულნი მკვრივ რიგებად წინ მივდივართ, მივქრით.

ვინ შეგვიშლის მტკიცე ნაბიჯს, ვინ შეგვიკრავს გზას,— ურთერთ შორის ფიცი დავდეთ და გავწირავთ თავს!

რისთვის გვინდა ჩვენ სიცოცხლე, კერძო ნეტარება, თუ მშრომელი მუშა, გლეხი მტრისგან იჩაგრება?!

„იყავი მზად!“— გვესმის მარად,— დიად ბრძოლისთვისო, მედგარ გრგვინვით ვუპასუხებთ: „მზად ვართ ყოველთვისო“.—

და... მივდივართ დარაზმულნი, მკვრივ რიგებად მივქრით, გამსჭვალულნი ერთი გრძნობით და ერთგვარი ფიქრით.



მუშათა ბრძოლა ინგლისში.

ერთი დიდი უძლიერესი კაპიტალისტური სახელმწიფო — ინგლისი — კიდით კიდემდე შეირყა: დიდი ხანი არ არის მას შემდეგ, რაც უზარმაზარი ქარხნები გაჩერებული იდგნენ, შეწყვეტილი იყო მატარებლების მიმოსვლა, არ გამოდიოდა გაზეთი!.. ახლაც შეჩერებულია ნახშირის მალაროებში მუშაობა, იმ მალაროებში, საიდანაც ასიათასი ფუთობით ამოჰქონდათ ნახშირი.


ახლაც ბრძოლაა გაჩაღებული ინგლისის ყველა კუთხეებში.

რა ხდება ინგლისში?

იქ იბრძვიან ქვანახშირის მალაროს მუშები.

მთელმა მუშათა კლასმა მხარი დაუჭირა მათ ამ ბრძოლაში და მთელმა ბურჟუაზიამ კი მათ წინააღმდეგ გაილაშქრა.

რატომ ამოძრავა მთელი ქვეყანა მალაროს მუშების გაფიცვამ?



მუშები ხეიმით ეგებებიან ინგლისში ციხიდან განთავისუფლებულ ნ კომუნისტს.

ინგლისში ხომ ჩვეულებრივი მოვლენაა მუშების გაფიცვა, იქ ათასობით იფიცებიან მუშები, იქ გაფიცვა თვეობით გრძელდება. მაშ რა მიზეზია, რომ ახლანდელმა გაფიცვამ ასე აადიდვა მთელი ინგლისი?

აი, როგორ მოხდა ეს: ინგლისის ნახშირის მალაროს მუშები დიდი ხანია აწარმოებენ ბრძოლას ნახშირის მრეწველებთან და ბრძოლაში ბევრჯერ გაიმარჯვეს კიდევ, მაგრამ ბოლო წლებში მალაროს მუშათა მდგომარეობა თანდათან გაუარესდა.

ომის დროს ინგლისის ნახშირი მთელი მსოფლიოს ბაზარზე გამეფდა. ინგლისის მალაროების მფლობელნი თავის საქონელს საშინლად დიდ ფასს

ადებდნენ და დიდი მოგება რჩებოდათ. მაშინ, რასაკვირველია, ცოტა რამეს მუშასაც წაუგდებდნენ; ომის შემდეგ კი საქმე სხვანაირად დატრიალდა. გამოჩნდა ძლიერი მეტოქე — სხვა სახელმწიფოების ქვანახშირი; გერმანიაში მალაროები უფრო კარგადაა მოწყობილი, მუშები კი ბევრად უფრო ნაკლებ ხელფასს ღებულობენ; ამიტომ გერმანიის მალაროს მფლობელებს შეუძლიათ უფრო იაფად გაჰყიდონ თავისი ნახშირი. გარდა ამისა, ფეხი მოიკიდა „თეთრი ნახშირის“ ხმარებამ, ესე იგი, ფაბრიკა-ქარხნებში მანქანებს ამოძრავებენ არა ქვანახშირით, არამედ ელექტრონით. ელექტრონის მისაღებად სარგებლობენ წყლის ენერჯით (როგორც ჩვენში „ზაჰეს“-ის საშვალეებით უნდა მოეწყოს).

ზოგიერთი ქვეყნება, რომლებიც მსოფლიო ომამდე მთელი წარმოებისათვის ინგლისის ქვანახშირს ხმარობდნენ, ახლა სრულიად აღარ ყიდულობენ მას, მაგალითად, ნორვეგია, სადაც არათუ ქარხნებს, თითქმის სოფლის ყველა პლიტასაც კი ელექტრონით ათბობენ.

გარდა ამისა ზოგიერთ მანქანებს, რომელსაც ქვანახშირით ამოძრავებდნენ, ახლა ნავთით ამოძრავებენ.

ერთი სიტყვით, ინგლისის ქვანახშირის მრეწველებს მოგება შეუმცირდათ, წვრილ მრეწველებს კი სრულიადაც მოესპოთ. მრეწველებმა კი, რასაკვირველია, ხელი მოუჭირეს მუშებს, შეავიწროეს, რომ მათი ხელფასის შემცირებით თავისი მოგება გაედიდებიათ.

რა პასუხი გასცეს მრეწველებს მუშებმა?

იქნება უთხრეს: ჩვენი საქმე არ არის, რა ხდება მსოფლიო ბაზარზე; ჩვენი ხელფასი მოგვეცით, სხვა არ ვიცით რაო.

არა, მუშების პასუხი ასეთი არ იყო!

იმათ უთხრეს მრეწველებს: ჩვენ ვიცით, რომ თქვენი მოგება კლებულობს, ჩვენ ვიცით, რომ, თუ ასე გაგრძელდა, თქვენ სრულიად გაკოტრდებით და მალაროები დაიხურება. მაგრამ განა აქედან ის დასკვნა უნდა გამოვიტანოთ, რომ დღეში ათი საათი ვიმუშაოთ თქვენთვის, და ჩვენ კი მშვიდი ვიყოთ, მცირე ხელფასი ავიღოთ იმისთვის, რომ თქვენ უწინდებურად დიდი მოგება დაგჩრჩისთ?

მრეწველთა და მუშათა ერთ თათბირზე საბრძოლველად მუშათა ლიდერი კუკი შეეკითხა ნახში-



რის ერთ-ერთ მეფეს — ჰერცოგ ნორტუმბერლანდელს: თქვენი დღიური შემოსავალი მალაროს 400 მუშის თვითურ ხელფასს უდრის; მითხარით, მოგაქვსთ თუ არა თქვენ იმდენი სარგებლობა საზოგადოებისათვის, რამდენიც იმათ?

არა, მუშებს არ სურდათ ეზიშვილათ იმისთვის, რომ ქვანახშირის მრეწველთ დიდი მოგება ჰქონოდათ. ისინი ამბობდნენ — ნახშირის მალაროების შემოსავალი თანდათან მცირდება და, უქვევლია, დაღუპვა მოელის. რატომ? ისინი ამბობდნენ: მალაროები დანაწილებულია და დაქსაქსულია სხვადასხვა მსხვილსა და წვრილ მესაკუთრე კაპიტალისტებს შორის. ჩვენი მალაროები გერმანიის მალაროებზე უფრო ცუდად არის მოწყობილი. მოაწყვეთ კარგად მალაროები, შემოიღეთ ახალი მანქანები, წვრილი წარმოებები შეაერთეთ და მაშინ ინგლისის ნახშირი ხელახლა მოიპოვებს გზას მსოფლიო ბაზარზე. მაგრამ მრეწველები ამაზე არ დასთანხმდებიან, ჩვენ ეს ძალიან კარგად ვიცით. და ისიც ვიცით, რატომ არ დასთანხმდებიან: მალაროების შემოსავლის გასადიდებლად, მათი ტექნიკური მოწყობილების გასაუმჯობესებლად, მათ გასაერთებლად საჭიროა ჩამოერთვას მალაროს პატრონს წარმოება და გადაეცეს სახელმწიფოს.

ერთი სიტყვით, მუშებმა წამოაყენეს საკითხი ქვანახშირის მალაროების ნაციონალიზაციის შესახებ.

ახლა გასაგებია, რატომ შესძრა მთელი ინგლისი სამთამადნო მუშების ბრძოლამ: საკითხი ეხებოდა წარმოების ერთი უმთავრესი დარგის ნაციონალიზაციას.

მთავრობას ეშინოდა ამ ბრძოლის და აქიანურებდა მის არსებითად გადაწყვეტას. ამიტომ მთავრობამ აიყვანა თავისი მფარველობის ქვეშ მრეწველები და აძლევდა მათ სუბსიდიას (შემწეობა), რომ იმათ მიეცათ მუშებისათვის უწინდელი სამუშაო ხელფასი, მაგრამ ამ რამოდენიმე ხნის წინად მთავრობამ შესწყვიტა ამ სუბსიდიის ძლევა, მრეწველებმა კი შეამცირეს სამუშაო ხელფასი.

სამთამადნო მუშები გაიფიცენ.

სამთამადნო მუშების დასახმარებლად აღსდგა მთელი ინგლისი. გამოცხადებულ იქნა საერთო გაფიცვა. გაჩერდა ქარხნები, რკინის გზები, ტრამვაი, გაზეთი.

მთავრობა წავიდა მუშების წინააღმდეგ და შემოიკრიბა მთელი ძალ ღონე — დარაზმა ჯარები. დაიტუსადა მუშები, შეკრიბა მთელი არმია შტრეიკბრეხერებისა, ე. ი. ისეთი ხალხის, რომელნიც არ უწევდნენ ანგარიშს მდგომარეობას და მზად არიან იმუშაონ გაფიცულების მაგიერ.

ბურჟუაზიის წარმომადგენლები და სხვადასხვა ქალბატონები, — ყველა ცდილობდა მუშების მოტ-

ყუებას, დაშოშინებას, მაგრამ ვერ მოახერხეს მუშის ეჭვრებიანთ დაწყებული მოძრაობა, შეეჭვებინათ გაფიცვა:

ინგლისში აუარებელი უმუშევარი ხალხია, რომელიც არ არის კავშირში ჩარიცხული და უმეტესობა ამ ხალხისა დადგა სამუშაოზე.

პროფკავშირების მემარჯვენე ბელადები შეშინდნენ, რომ მოძრაობას მწვავე ხასიათი არ მიეღო და იმის მაგივრად, რომ ესარგებლათ შექმნილი პირობებით, მათ უღალატეს მუშათა საერთო საქმეს, მოძრაობის დასაწყისშივე გამართეს მოლაპარაკება მალაროს პატრონებთან, შეუთანხმდნენ მათ და უკიდურესი დათმობის გზას დაადგენ. ბელადების ამნაირმა შეთანხმებამ ერთობ ცუდ პირობებში ჩააყენა რკინის გზის მუშები, ასოთამწყობები და მრავალი სხვა პროფესიის მუშებიც.




გაფიცული მუშის დატუსაღება ინგლისში.

რასაკვირველია, ამ ბელადების შეთანხმებამ მუშებზე ცუდი გავლენა იქონია, და გაფიცვა ჩაიფუშა.

მეთაურების ამნაირმა საქციელმა მუშების მასებში დიდი აღშფოთება და რისხვა გამოიწვია. მაგრამ სახელმძღვანელო შტაბს მოკლებულნი, ბელადებისა და მეპატრონეების შეთანხმების გამო, იძულებული გახდნენ ბრძოლა შეეწყვიტათ.

საერთო გაფიცვა მოიხსნა, მაგრამ მალაროს მუშები ისევ იბრძვიან. მალაროები ისევ გაჩერებულია.

გერმანელმა მუშებმა დაადგინეს: არ დატვირთონ ნახშირით გემები ინგლისისათვის. მთელი ქვეყნის პროფკავშირებმა დახმარება აღუთქვეს გაფიცულებს. გარდა ამისა, ინგლისის სხვა საწარმოო დარგებშიაც



გაფიცული მუშები ინგლისში.

არ არიან დამშვიდებით. მწარ-
მოებლებმა ისარგებლეს საერთო
გაფიცვის დამარცხებით და
სამუშაო ხელფასს ყველგან ამ-
ცირებენ. მთავრობამაც ჩა-
მოიხსნა ნიღაბი და მოითხოვა,
რომ ინგლისის მუშებს ყველ-
გან შეუმცირდეს სამუშაო ხელ-
ფასი 10% ით.

მუშებს ჯერ კიდევ ბევრ აღ-
გილას არ მოუხსნიათ გაფიცვა,

მაგრამ სადაც მოხსნეს, ისინიც მუშაობენ
ისევ განაგრძობენ ბრძოლა.

მაგრამ როგორც არ უნდა გათავდეს
ნახშირის მაღაროს მუშათა გაფიცვა, რო-
გორც არ უნდა გათავდეს ჯერ კიდევ
დაუმთავრებელი ბრძოლა სხვა პროფესიის
მუშებისა, ერთი კი ცხადი უნდა იყოს
ჩვენთვის — რომ ინგლისის მუშათა კლასმა
კარგი გაკვეთილი მიიღო. იმისთვის ცხადი
იქნება, რომ შემდეგ ბრძოლის გასაღვი-
ვებლად მიზნად უნდა დაისახოს ინგლისის
მთელი მუშების შეერთება. უმთავრესად
კი ინგლისის მუშებისათვის ახლა ნათელი
უნდა გახდეს, რომ სანამ ხელისუფლება
კაპიტალისტების ხელშია, საბოლოო
გამარჯვებას თავისი ბრძოლის ვერც ერთ
ფრონტზე ვერ მოიხვეჭენ.

და ინგლისის მუშათა კლასი ამ მი-
ზანს — ხელისუფლების მოპოვებას — დაისა-
ხავს მთელი თავისი ფართო გაგებით.

ბრძოლის გაკვეთილები უნაყოფოდ
არასოდეს არ ჩაივლის.

გადასტრიალება კოლონიათში.

პოლონეთი ამ უკანასკნელი წლების განმავლო-
ბაში განუწყვეტელ კრიზისს განიცდის. ხალხის მუდ-
მივი უკმაყოფილება და აჯანყება, ფულის ღირებუ-
ლების დაცემა, საშინელი სიღატაკე — აი, რა იყო
პოლონეთის რესპუბლიკის ცხოვრება.

კრიზისის მიზეზი ბევრი იყო, მთავარი კი შემ-
დეგია: პირველი ის, რომ პოლონეთის მრეწველობას
არა აქვს მოპოვებული ბაზარი. საქონელი იმაზე მე-
ტი მზადდება, რის ყიდვაც თვითონ შეუძლიათ პო-
ლონეთის მცხოვრებთ; ამის გამო იხურება ფაბრი-
კები და აუარებელი მუშა რჩება ქუჩაზე უმუშევარი;
მეორე — პოლონეთის გლეხობა უკიდურესად ღარიბია
და ყოველწლივით უფრო და უფრო ღატაკდება,
რადგანაც იძულებულია ყოველწლივით მემამუ-
ლების მიწებში უფრო და უფრო მეტი საიჯარო
გადასახადი იხადოს. მესამე ის, რომ სახელმწიფოს
ანადგურებს ნაციონალური შუღლი. არაპოლონე-
ლები — უკრაინელები, ბელორუსები, ებრაელები და
გერმანელები, რომლებიც პოლონეთის მცხოვრებელთა
ერთ მესამედს შეადგენენ, საშინელ ჩაგვრას განიც-

დიან: მათ არა აქვთ ნება ილაპარაკონ თავის მშო-
ბლურ ენაზე სხვადასხვა სახელმწიფო დაწესებულებ-
ებში, ჰქვიავენ იმათ სკოლებს, აყენებენ ისეთ აღ-
მინისტრაციას, რომელიც მტრულად უყურობა მათ.
რასაკვირველია, დაჩაგრული ეროვნებანი დელავენ
და განუწყვეტელ ბრძოლას აწარმოებენ თავისი
უფლებების დასაცავად.

როგორი გამოსავალი უნდა გამოიძებნოს იმ მძიმე
მდგომარეობიდან, რომელიც შეიქნა პოლონეთში?

თავისი ნაწარმოებისათვის ბაზრის მოსაპოვებლად
მან კეთილმეზობლური განწყობილება უნდა დაამყა-
როს ს. ს. რ. კავშირთან. ვინ არ იცის, რომ უწინ პო-
ლონეთის საქონელის დიდი უმეტესობა რუსეთში
საღებოდა.

გლეხების სიღარიბის მოსასპობად, რაც მთელი
სახელმწიფოს კეთილდღეობის მომასწავებელი იქ-
ნება, საჭიროა გატარდეს აგრარული რეფორმა,
ჩამოერთვას მიწა მემამულეებს და გადაეცეს გლე-
ხობას.



და, ბოლოს, უნდა დაკმაყოფილებულ იქნას ეროვნულ უმცირესობათა სამართლიანი მოთხოვნა.

აქამდის პოლონეთის ხელისუფლების სათავეში მემამულე და კაპიტალისტები იყვნენ, რომლებსაც არც ერთი ნაბიჯი არ გადაუდგამთ ამ საკითხების მოსაგვარებლად, პირიქით, უფრო და უფრო მეტად სჩაგრავდნენ გლეხობას და სხვა ეროვნებათ და უფრო და უფრო ამწვევებდნენ ს. ს. რ. კავშირთან დამოკიდებულებას.

მდგომარეობა დღითი დღე უარესდებოდა. მუშები და გლეხები უფრო და უფრო ღელავდნენ. მთავრობა ატუსაღებდა და ხვრეტდა მემამოხეთ. მაგრამ ყველასათვის ცხადი შეიქნა, რომ საქმის ასე დატოვება შეუძლებელი იყო.

ამ მდგომარეობით ისარგებლა გენერალმა პილსუდსკიმ. პილსუდსკი პოპულარული და ცნობილი პიროვნებაა პოლონეთში, როგორც პოლონეთის სახელმწიფოს დამოუკიდებლობისათვის მებრძოლი. და ეს თავისი პოპულარობა გამოიყენა, რომ ძალაუფლება ჩაეგდო ხელში.

პილსუდსკი დაუფარავად აღიარებდა, პოლონეთის მთავრობა—ფაშისტების და რეაქციონერების მთავრობააო. ის ამტკიცებდა, აუცილებლად უნდა მოხდეს აგრარული რეფორმაო, ამბობდა, უნდა შეიცვალოს ეროვნულ უმცირესობათა მიმართ დამოკიდებულების პოლიტიკაო. ამას გარდა აფიტაციას სწევდა ჯარში, მთავრობა დაღუპავს პოლონეთის დამოუკიდებლობას, თუ ჯარი არ ჩაერევა ამ საქმეშიო. უმაღლეს სამხედრო შემაღენლობას კი უხატავდა ხელისუფლების უპირატესობას, რომელიც უსათუოდ გადავიდოდა სამხედრო წოდებაზე, თუ ამ ხელისუფლებას პილსუდსკი ჩაიგდებდა ხელში.

როდესაც წინადაგი მოამზადა, პილსუდსკიმ, ვარშაის ახლო დაბანაკებული ჯარით, რომელიც თანაუგრძნობდა მას, მიიტანა იერიში პოლონეთის სატახტო ქალაქზე.

და რადგანაც ყველა უკმაყოფილო იყო ძველი მთავრობისა, ორი დღის განმავლობაში იძლო ვარშავა, და თითქმის მთელი სახელმწიფო ერთბაშად დაემორჩილა ახალ დიქტატორს.

ბრძოლა ჯერ კიდევ არ არის დასრულებული ძველი მთავრობის მოხრეხება თავი მოიყარეს ვინციებში—პოზნანსა და პომერანიში. მათ ჰყავთ ჯარებიც, მაგრამ საეჭვოა, რომ მათ შესძლონ დიხანს გაუმკლავდნენ პილსუდსკის მომხრეებს.

პილსუდსკი უსათუოდ გახდება პოლონეთის სრული მფლობელი, მაგრამ რა იქნება შემდეგ? მოახერხებს თუ არა ეროვნული საკითხის მოგვარებას? მოახერხებს თუ არა მემამულეებისაგან მიწების ჩამორთმევას, მოახერხებს თუ არა მისი მთავრობას. ს. ს. რ. კავშირთან შეთანხმებას პოლონეთის საქონლის ს. ს. რ. კ-ში შემოტანის შესახებ?

საეჭვოა!

პილსუდსკის მთელი წარსული პოლიტიკა საწინააღმდეგოს დალადებს. და თუ ეს საკითხები არ იქნება გადაწყვეტილი, პოლონელი მუშა და გლეხი დასვამს საკითხს: რა საჭირო იყო ამდენი დავი-დარაბა, რისთვის დაიღვარა ამდენი სისხლი, თუ საქმე ასე გათავდებოდაო. და მაშინ პოლონელი გლეხი და მუშა თვითონ დაიწყებს მთელ ფრონტზე ბრძოლას მუშათა და გლეხთა ხელისუფლების დასამყარებლად.

ეს ცხადია პოლონეთის კომპარტიისათვის.

ახლა, გამარჯვების შემდეგ, მაშინვე მოითხოვენ პილსუდსკისაგან, რომ დაუყოვნებლივ შეუდგეს აგრარულ რეფორმას და მუშათა და ეროვნულ უმცირესობათა მდგომარეობის შემსუბუქებას. ისინი მიმართავენ პოლონეთის მშრომელთ: განა იმიტომ ჩამოაგდეთ ფაშისტები, რომ პილსუდსკიმ იაროს ფაშისტების გზითო.

პილსუდსკისათვის გამოსავალი გზა არ არის. მან ან უნდა დააკმაყოფილოს ხალხის უმრავლესობის მოთხოვნილება, ან პირდაპირ ბრძოლა გამოუცხადოს მათ, შეუთანხმდეს მემამულეებს, იმათ, ვისი მთავრობაც მან დაამხო.

მშრომელი ხალხის მოტყუებას ის ვერ შესძლებს.

ახლო მომავალი დაგვანახებს ხალხის მოძრაობის შემდეგ განვითარებას პოლონეთში. პილსუდსკის მიერ მოხდენილი გადატრიალება მხოლოდ დასაწყისია ხალხის ნამდვილი მოძრაობისა.



ჩრდილო პოლიუსზე გადაფრენა.

ეროვნული
ბიბლიოთეკა

ჩრდილო პოლიუსი დიდი ხანია იზიდავს კაცობრიობის ყურადღებას.

იქ, სადღაც შორს, საუკუნეებით დაგროვილი ყუნულით დაფარულ ოკეანეზე, არის ერთი წერტილი. ეს წერტილი იყო მიზანი, საითკენაც ბევრი წლების განმავლობაში მიისწრაფოდა მრავალი ხალხი. ამ მამაც ხალხს ვერ აშინებდა ყინულის კუნძულებზე ფეხით მგზავრობის სიძნელე, ვერც შიმშილი, შრომა და ვერც ბევრის უგზო უკვლოდ დაღუპვა ამ ყინულისა და თოვლის საშინელ უფსკრულებსა და ზევაებში.

რათ მიისწრაფოდა ეს მამაცი ხალხი დედამიწის ბურთის სწორედ ამ წერტილისაკენ? რით აიხსნება ის, რომ მოგზაურს, რომელიც ვერ აღწევდა პოლიუსს, დამარცხებული ბრუნდებოდა ან იღუპებოდა

ოკეანეს სივრცეზე გემებისათვის საშიში ყინულის მთები.

ზღვის თბილ დინებას მიაქვს ნაპირებისაკენ ქვეყნებისათვის სითბო, ცივს დინებას კი—სიცივე და ყინვა.

ზღვების დინება უმეტესად სწარმოებს ჩრდილოეთიდან, და ზოგი დინება, როდესაც მიხსწევს ჩრდილოეთს, იცვლის გეზს. ამ ზღვის დინების შესასწავლად საჭიროა ადამიანმა იცოდეს, არის თუ არა მიწა პოლიუსზე და, თუ არის, რამოდენაა იგი. თუ დიდი ხმელეთია, ცხადია, როდესაც ზღვის ტალღები ეკვეთება ნაპირებს, დინება იცვლის გეზს, და თუ იცი რამოდენაა ეს ხმელეთი, ადვილი გასაგებია, საით, და როგორ მიდის პოლიუსიდან ზღვის დინება. თუ ხმელეთი არ არის, უნდა გამოკვლეულ იქნას, როგორ იყრის თავს და ეკვეთება ერთმანეთს ოკეანეს სხვადასხვა დინება, როგორ გრილდება თბილ დინებათა ტემპერატურა და რომელ ცივ დინებას აქვს დასაწყისი პოლიუსთან.

როგორც ზღვის დინებათა ცოდნას, ისე ჰაერის დინებათა ცოდნასაც დიდი მნიშვნელობა აქვს ადამიანისათვის.

ახლა აქ, საქართველოში, ცივა, წვიმა მოდის, და მტკვარი უფროდაუფრო მატულობს, მაშინ, როდესაც ამ დროს წინეთ სიციხეები იყო ხოლმე. რათ ხდება ეს?

იმიტომ, რომ იქ, სადღაც, ჩრდილოეთში, გაჩნდა (ციკლონი*), გამოიქროლა მთელ ევროპაზე, გადმოიღაბა კავკასიონის ქედი და მოიტანა სიცივე და ავდარი ჩვენს ქვეყანაში.


იქ, პოლიუსზე, მუდამ ტრიალებს ცივი ციკლონები, და რომ ვიცოდეთ, როგორ ჩნდება ჰაერის დინება, ქარის რომელი ცივი დინება მოჰქრის

* (ციკლონი—ჰაერის სხვადასხვა დინებათა შეჯახება.

ყველას უნახავს, ზაფხულის ცხელ დღეში ქარის ამოვარდნის დროს რა მტვერის სვეტები დატრიალდება ხოლმე გზებზე; ამ მოვლენას კუდიან ქარს ეძახიან.

რისაგან ჩნდება ეს კუდიანი ქარი?

სხვადასხვა მხრიდან მონადენი ჰაერი ეჯახება ერთმანეთს და თავისებურ ჰაერის მორევს ჰქმნის. ეს მორევი იმწყვედვს ქუჩის მტვერს და ჩნდება „კუდიანი ქარი“. სწორედ ამნაირი კუდიანი ქარია ციკლონი. მაგრამ უბრალო კუდიანი ქარი ჩვენში პატარა მანძილზეა და ჩქარა ნელდება, ციკლონი კი არის ჰაერის მორევი, რომელიც ძალიან დიდ, რამოდენიმე ასი კილომეტრის, მანძილზე ტრიალებს და ეს ჰაერის ვეება სვეტი გაშმაგებით მიჰქრის თვალუწვდენ სივრცეზე და მიაქვს თან ხან სიცივე და წვიმა, ხან სულის შემეხუთავი სიცივე და საშინელი ზიანი ხალხისა და ბუნებისათვის.



„ნორვეგია“ ქ. ოსლოში, აერობლანების გასაჩერებელ ანძასთან.

გზაში, სცვლიდნენ სხვა მოგზაურები, ახალი ექსპედიცია, ახალი ხალხი, რომელნიც კიდევ და კიდევ იღუპებოდნენ ყინულსა და თოვლში, სამშობლოსა და მსხლობლებს მოშორებულნი.

ყველამ იცის, რომ პოლიუსი მხოლოდ წერტილია, ერთი ადგილი, ყინულსა და თოვლში მიჩქმალული, ყინულოვანი ფართობია საუკუნეებით გაყინულ ოკეანეზე, მაგრამ ამ გაბედულ მოგზაურებს იზიდავდა არა უაზრო ცნობისმოყვარეობა და არც ის, რომ მიეხწიათ ჯერეთ არვისაგან ნახული ადგილისათვის.

ვინ არ იცის, რა დიდი მნიშვნელობა აქვს ხალხისათვის, იცოდე, ზღვის რადარა დინება არსებობს. ეს ცოდნა ეხმარება მეზღვაურს, მიახწიოს მიზანს. ზღვის დინება სტეხს და თან მიაქვს ჩრდილოეთის ყინული, უხსნის გზას მეზღვაურებს, ან გააქვს

პოლიუსიდან სამხრეთისაკენ, როგორ ეკვეთებიან სახრეთის თბილი და ჩრდილოეთის ცივი დინებანი ერთმანეთს, როგორ ჩნდება ციკლონი, როგორია იმათი გეზი—ეს რომ ყველაფერი ვიცოდეთ, მაშინ ძალიან გაგვიადვილდებოდა დარის გამოცნობაც, შეგვეძლო თამამად გვეთქვა ბათომელი მიწის მუშისათვის: გაუფრთხილდი შენს მანდარინის ბაღს, წრეულს გაზაფხული თოვლქვაპიანი იქნებაო; მეორე წელიწადს კი შეგვეტყობინებია ქართლის გლეხობისათვის, გვალვიანი წელიწადი იქნება და წყლის თავდარიგი დაიჭიროო.

ზღვისა და ჰაერის დინებათა შესწავლის გარდაც ბევრი რამ არის ისეთი, რაც საჭიროა იცოდეს ადამიანმა პოლიუსის შესახებ. არის თუ არა ცოცხალი არსებანი პოლიარული ოკეანეს სიღრმეში? თუ არის, როგორია, როგორ ცხოვრობენ და მიდიან თუ არა ისინი პოლიუსამდე. როგორია იქ ჩრდილოეთის ნათება, როდესაც ექვსი თვის განმავლობაში შეუწყვეტელი ღამეა, ან როგორ არის გაჩერებული მზე პირდაპირ მაღლა მეორე ექვსი თვის განმავლობაში? ბევრი სხვა საკითხიცაა ადამიანისათვის გამოურკვეველი, რომელსაც გამოარკვევს მხოლოდ მაშინ, როდესაც მიახწევს დედამიწის იმ წერტილს, საიდანაც, რომელ მხარესაც არ მოტრიალდე, ყველგან სამხრეთი იქნება.

დიდი ხანია ადამიანი ცდილობს მიახწიოს პოლიუსს; დიდი ხანია ფიქრობდა, მისულიყო იქ ჰაერის საშუალებით.

დიდ სიძნელეს წარმოადგენს ყინულის მთებზე ფეხით სიარული. ძალიან ბევრი გაბედული, მამაცი ხალხი დაიღუპა და აღარ დაბრუნებულა ამისთანა მგზავრობიდან.

პირველად, ჯერ კიდევ დირიჟაბლებისა და ჰაერობლანების გამოგონებამდე, გაფრინდა პოლიუსზე ჰაერის ბირთვზე ფრანგი მოგზაური ანდრე, გაფრინდა, მაგრამ აღარ დაბრუნებულა. შემდეგ ამნაირი მოგზაურობა აღარავის უფიქრია. მაგრამ დრო მიდიოდა, და ადამიანმა დაიმორჩილა ჰაერი. ჰაერის გემებმა გადიფრინეს ოკეანეები და უზარმაზარი მთაგრეხილები და ისევ წამოიჭრა ჰაერის საშუალებით პოლიუსზე მისვლის აზრი.

ეს აზრი ნორვეგიელმა მოგზაურმა ამუნდსენმა განახორციელა. დიდი ხანია ცდილობდა ამუნდსენი პოლიუსის საიდუმლოების ამოცნობას. ის მოგზაურობდა ნანსენთან ერთად გემი „ფრამ“ით და და ფრიალ დიდი და ბევრი დაკვირვებანიც მოახდინა ჩრდილოეთის ბუნებაზე. შემდეგ ის მარტოც მოგზაურობდა პოლიარულ ქვეყნებში ბუნების შესასწავლად, შარშან კი ამუნდსენმა სცა-

და ჰაერობლანით წასვლა პოლიუსზე, მაგრამ ამ ცდამ კინაღამ იმსხვერპლა ამუნდსენი და მისი თანამგზავრნი: საშინელი სიცივისაგან აერობლანის მოტრიალებაში ბენზინი გაიყინა და ამუნდსენი იძულებული იყო ჩამოშვებულიყო ძირს პოლიარულ ყინულებში, ჰაერობლანიც, ცოტა უკლდა, კინაღამ დაზიანდა, და მოგზაურებიც დაიღუპებოდენ უსაქმლოდ ყინულოვან უცნობ უდაბნოში ქვეითად სიარულის დროს. საბედნიეროდ, მოახერხეს მოტორების გათბობა და დაბრუნდნენ უკან.

ამ პირველმა დამარცხებამ ვერ შეაშინა ამუნდსენი და ის ხელახლა შეუდგა ახალი მგზავრობის სამზადისს. ამ მგზავრობის მოწყობაში მას დაეხმარა იტალიელი ინჟინერი, მფრინავი ნობილე, და ამერიკელი ელექვისტ. ნობილემ გადასცა მას სპეციალურად ჩრდილო პოლიუსზე სამგზავროდ მის მიერ იტალიის საჰაერო ფლოტისათვის აშენებული დირიჟაბლი.

დირიჟაბლი „ნორვეგია“ (ასე დაარქვეს დირიჟაბლს ამუნდსენმა და ნობილემ) უზარმაზარი ჰაერის გემია, პოლიუსზე გასაფრენად მოწყობილი გარეგნულად, როგორც ყველა დირიჟაბლები, ვეება სიგარას ან თითისტარას წააგავს. სიგრძით 106 მეტრია, ე. ი. „ნორვეგია“ რომ დააყენო ყირაზე, ტფილისის უმაღლეს სახლზე რამოდენიმეჯერ უფრო მაღალი იქნება. დირიჟაბლის სიმაღლე 26 მეტრია, სიგანე კი თითქმის 20 მეტრს უდრის. „ნორვეგიას“ შეუძლია საათში 113 კილომეტრი გაიფრინოს, ე. ი. ოთხჯერ უფრო მეტი მანძილი გაიაროს, ვიდრე, საშუალოდ, ჩვენს სამგზავრო მატარებელს შეუძლია. „ნორვეგიას“ შეუძლია ასწიოს 588,6 ფ. ტვირთი, თვითონ კი დირიჟაბლი—766 ფუთს იწონის. ფრინავს „ნორვეგია“ იმიტომ, რომ გავსებულია გზით წყალმბადით, რომელიც ჰაერზე ბევრად უფრო მსუბუქია. იმ შემთხვევისთვის, თუ დირიჟაბლი დაზიანდა, რომ გზი მთლად არ გამოვიდეს, დირიჟაბლის მთელი უზარმაზარი ტანი დაყოფილია ცხრა ნაწილად. ერთი ნაწილი რომ დაზიანდეს, დირიჟაბლს მაინც შეუძლია ფრენა, რადგანაც გზი რჩება საყოფად 8/9 ნაწილში. დირიჟაბლის ტანს მიმაგრებული აქვს (ჰკიდია) ერთი სამგზავრო გონდოლა, რომელშიაც მგზავრები სხედან და სამიც—მოტორების გონდოლები, სადაც მოტორები—მანქანები—არის მოწყობილი, რომლის მეოხებითაც დირიჟაბლი მიფრინავს.

„ნორვეგია“ მოფრინდა იტალიიდან ქალაქ ტროცკში (ლენინგრადის მახლობლად მდებარეობს), ტროცკიდან კი 5 მაისს, 9 საათ. და 35 წ, საღამოს უშიშრად გაემართა სამგზავროდ, გადაფრინდა ნორვეგიაში

ქალაქ ოსლოზე (ნორვეგიის სატახტო ქალაქია.) მან მშვიდობიანად მიაღწია შპიცბერგენს და აქ ცოტა ხნით გაჩერდა, შემდეგ კი პირდაპირ გასწია პოლიუსისაკენ. მგზავრობა მშვიდობიანად მიმდინარეობდა და მიაღწიეს პოლიუსს. პოლიუსზე შეჩერეს ფრენა, ჩაადგეს ძირს ნორვეგიის, იტალიის და ამერიკის დროშები, დაათვალიერეს ის ადგილი, სადაც იმდენი წლების განმავლობაში ისე უშედრეოდ ცდილობდა ადამიანი მიღწევას და გაფრინდენ წინ. პოლიუსზე გადაფრენის შემდეგ „ნორვეგია“ შეცურდა სქელი ნისლის სივრცეში და გზა დაებნა. რამდენიმე დღის განმავლობაში ამუნდსენი და მისი თანამგზავრნი დაჰქროდნენ ჰაერში უგზოუკვლოდ, რადგანაც ნისლში ვერ არკვევდნენ მიმართულებას.

მაგრამ გაფრენა მშვიდობიანად დასრულდა... 17 მაისს ნორვეგია დაეშვა ალიასკაზე. ჩვენ ჯერ კიდევ არ ვიცით ექსპედიციის გამოკვლევის შედეგი. არ ვიცით, რა დაკვირვება მოახდინეს მეცნიერმა მოგზაურებმა გაფრენის დროს იმ ადგილებში, სადაც არასოდეს არ გაუვლია ადამიანს, მაგრამ ამ გაფრენის ნაყოფი უკვე ვიცით: მეცნიერები ბევრს კამათობდნენ იმის შესახებ, არის თუ არა პოლიუსზე ან მის ირგვლივ დიდი მიწა, ხმელეთი, ახლა კი „ნორვეგიის“ გაფრენის შემდეგ ეს საკითხი გამოირკვა. ამუნდსენს და მის თანამგზავრთ დიდი მიწა არ დაუნახავთ. იქ მხოლოდ, ოკეანე საუკუნეების განმავლობაში დაგროვილი ყინულით, და რამდენიმე პატარა კუნძულიც არის.

ექსპედიციის სხვა დაკვირვებებს ჩქარა გავიგებთ, მაგრამ როგორც გინდა იყოს ეს დაკვირვებანი, ცხადია, რომ ადამიანმა კიდევ ერთი დიდებული გამარჯვება მოიხვეჭა: პოლიუსზე გადაფრენის შესაძლებლობა დამტკიცდა. ამუნდსენის შემდეგ გაფრინდებიან სხვა მკვლევარნიც, შეისწავლიან მთელ მის საიდუმლო-

ებას, და შორს აღარ არის ის დრო, როდესაც პოლიუსის შემოკლებული გზით ჰაერის გემებით გადაიტან-გადმოიტანენ ამერიკიდან აზიასა და ევროპაში და აზიიდან და ევროპიდან ამერიკაში ფოსტასა და საქონელს. შორს აღარ არის ის დრო, როდესაც ჰაერისა და ზღვის ღინებათა ვითარება პოლიუსზე ყველას ეცოდინება. შორს აღარ არის ის დრო, როდესაც თქვენთვის, ჩვენი ყურნალის ნორჩო მკითხველნო, შესაძლებელი იქნება სრულიად უშიშრად გაემართოთ პოლიუსზე.

რამდენიმე წლის წინად ეს ამბავი ზღაპრად მოეჩვენებოდა ადამიანს. ჰაერო-მატარებლის სადგური, მაგალითად, ოზურგეთში... ჩქარა... ჩქარა. საღარო გააღეს...

— რა მიმართულებით გასურთ ბილეთი აიღოთ, მოქალაქე?

— ჩრდილო პოლიუსზე, კლონდაიკში, ალიასკაზე.

— თქვენ, მოქალაქე?

— მომეცით ბილეთები პროცენტების დათმობით მეორე საფეხურის შრომის სკოლის მოწაფეთათვის.

— სად მიდის ექსკურსია?

— ჩრდილო პოლიუსზე...

ფანტასტიური სურათი არის, არა?


ახლა კი ეს სურათი ჩქარა სინამდვილედ გადაიქცევა.

საოცარ დროში ვცხოვრობთ.

რამდენი გამარჯვება მოელის კიდევ ადამიანს და რამდენი გამარჯვების მოწმე იქნებით თქვენ, ჩვენო ნორჩო მკითხველებო!!

შესაძლებელია, ზვერი თქვენგანი თვითონ გამოვიდეს დიდი მკვლევარი და გაიმარჯვოს ცხოვრების სარბიელზე.

ლ. კ.



გაჯათის ფუკალი.

(გაგრძელება).

— მე კი მგონია, რომ წუმწუმა იწვის. უყურე, სინათლე სწორედ მისი თავიდან გამოდის.

— ანთე სინათლე და გაშინჯე წუმწუმა.

მართლაც, სინათლეზე ვნახე, რომ წუმწუმის თავი დაუმწვარი იყო.

— ნუ ჩაქრობ ლამფას, შემდეგი ცდა სინათლეში გაეკეთოთ. ნიკომ დადგა შუა ოთახში სკამი და სკამის თავზე დადო განზე ჯოხი. იმდენი ეცადა, რომ ჯოხი სკამის თავის ერთ წერტილს ებჯინებოდა და არ ვარდებოდა.

— მე არ მეგონა, რომ შეიძლება ჯოხის ასე გაჩერება, — წამოვიძახე მე, — ჯოხი ხომ გრძელია.

— სწორედ იმიტომაც ჩერდება, რომ გრძელია. მოკლე რომ ყოფილიყო, ვერ გააჩერებდი.

— შეგიძლია ჯოხი შენსკენ მოატრიალო ისე, რომ მას არ მოჰკიდო ხელი?

მე ჩაფეტიქრდი..

ჯოხის ერთ ბოლოს რომ თოკი გამოვაბათ, — დავიწყე მე.

— არა, ისე, რომ არც თოკით და საზოგადოდ არაფრით არ შეეხო. შეგიძლია?

— ჰო, ვიცი.

მივიტანე ჯოხთან სახე და დავიწყე პირით ჰაერის შესრუტვა. დარწმუნებული ვიყავი, რომ ჯოხი ჩემსკენ წამოიწევდა. მაგრამ იმედი გამიმტყუნდა, ჯოხი ადგილიდან არ დაიძრა.

— როგორაა საქმე?

— არაფერი არ გამოდის. შეუძლებელია.

— შეუძლებელია? ვნახოთ.

გაზეთი ჯერ ისევ ლუმელის კედელზე იყო მიკრული; ნიკომ მოაცალა კედელს გაზეთი და გვერდიდან ნელ-ნელა უახლოვებდა ჯოხს. ერთ არშინზე რომ მიუახლოვდა, ჯოხმა იგრძნო ელექტრონის ძალა და მიბრუნდა იქითკენ; გაზეთის საშუალებით ნიკო ატრიალებდა ჯოხს სკამის თავის ხან ერთ, ხან მეორე მხარეს.

— ხომ ხედავ, ელექტრობით დატენილი გაზეთი თავისკენ იზიდავს ჯოხს და

ეს იქამდის იქნება, მანამ მთელი ელექტრობა არ გამოვა გაზეთიდან ჰაერში. ახლა ასე მოვიქცეთ: აგერ, მაგიდაზე ჭიქაში კვერცხი ძვეს. ფრთხილად დავდოთ კვერცხზე სახაზავი და ვატრიალოთ ჩვენი გაზეთის საშუალებით. თუ გინდა, შენ თვითონ შინჯე!

გამოვართვი ნიკოს ელექტრონით ახლად დატენილი გაზეთი და მივუახლოვე თუ არა სახაზავს, მან დაიწყო გაზეთს უკან ტრიალი, მანამ არ ჩამოცურდა კვერცხიდან.

მეორედ, დამპირდა ძამია, კიდევ ერთ ცდას გაჩვენებ: გაგხვრიტავთ ნემსით კვერცხის ორ ბოლოს და ერთი მხრიდან ბერვის საშუალებით დავაცარიელებთ კვერცხს. ცარიელი კვერცხი დაიწყებს თეფშზე გორვას ელექტრონით დატენილი გაზეთის საშუალებით.

— რა ცუდია, რომ ზაფხულში ლუმელი ცივია და ამიტომ არ შეიძლება ამ ცდების გაკეთება!

ლუმელი აქ მხოლოდ იმისთვის არის საჭირო, რომ ქალღიბელი გააშროს. ამ ცდების გაკეთება შეიძლება მხოლოდ საესვებით მშრალი ქალღიბლით. შენ ალბად შეატყობდი, რომ გაზეთის ქალღიბელი ყოველთვის ცოტათი ნაშიანია, რადგან ჰაერიდან იზიდავს ნაშს. ამიტომაც საჭიროა მისი გაშრობა. ნუ გგონია, რომ სულ არ შეიძლება ამ ცდების გაკეთება. შეიძლება მაგრამ ისე კარგად არა, როგორც ზამთარში.

გაზეთს აშრობენ პლიტაზე. როცა იგი იმდენად გაგრილდება, რომ ქალღიბელი არ დაიწვას. კარგად გამშრალი გაზეთი გადააქვთ მშრალ მაგიდაზე და მაგრად უხახუნებენ ჯაგრით. იგი იტენება ელექტრობით, მართალია, ნაკლებად, ვიდრე ლუმელის კედელზე. დღეს კმარა. ხვალ კიდევ გაკეთოთ ცდები.

— ისევ ელექტრობის შესახებ?

— კი, და ისევ ჩვენი მანქანის, გაზეთის ფურცლის, საშუალებით. ახლა კი გაგაცნობ, რას გრძნობდენ მეცნიერი სოსიური და მისი ამხანაგები, როდესაც 1867 წ. ავიდენ მთა სარლეს წვერზე, რომლის სიმაღლე 3 კილომეტრს აღემატება.

ნიკომ ჩამოილო თაროდან ფლამარიონის წიგნი „ატმოსფერა“, გადაშალა და მომცა წასაკითხავად შემდეგი:

„მოგზაურები ზევით რომ ავიდნენ, და რკინაშემორტყმულ თავისთავო ხები მიაყუდეს ქმთას, სოსიურმა მხრებში და წელში ტკივილი იგრძნო თითქოს ნელ-ნელა ნემსი ერტობოდა ტანში. „მე მეგონა, რომ ჩემ ტილოს წამოსასხმელში ქინძისთავი შემრტობოდა და ამიტომ მოვიხადე წამოსასხამი, მაგრამ ტკივილები უფრო გაძლიერდა. ასე მეგონა, კრახანა დამდის ზედ და მკბენს მეთქი. მეორე წამოსასხამიც მოვიშორე, მაგრამ ვერ ვიპოვე, რა მკბენდა. ტკივილები მემატებოდა. ასე მეგონა, ჩემ შალის ფუფიკას ცეცხლი მოეკიდა. ის იყო გახდას ვაპირებდი, რომ ჩემი ყურადღება მიიპყრო რაღაც ხმაურობამ, რომელიც ბზუილს ჰგავდა. ხმაურობა გამოდიოდა ჩვენი ჯოხებიდან, რომელიც კლდეზე იყო მიყუდებული. ხმაურობა ჰგავდა ხმაურობას წყლისა, რომელიც საცაა ადუღდება.“


ეს მოვლენა დაახლოვებით 5 წუთს გაგრძელდა. მაშინ მივხვდი, რომ ტკივილების მიზეზი იყო ის ელექტრონის ძალა, რომელიც მთიდან გამოდიოდა. ჯოხები ერთნაირ ხმაურობას უშვებდენ დამოუკიდებელი იმისა, რა მიმართულებით გეჭირათ ივინი. ნიადაგიდან არავითარი ხმაურობა არ ისმოდა. რამოდენიმე წუთის შემდეგ ვიგრძენი, რომ თავის და წვერის თემები ყალყზე დადგა. ჩემმა ახალგაზრდა თანამოგზაურმა იკივლა, რომ გრძნობს, თუ როგორ დგება ყალყზე მისი ულვაშები, და ყურების თავიდან გამოდის ძლიერი დინება. ხელები რომ ავწიე, ვიგრძენი, რომ ამისთანავე დინება გამოდის თითებიდან. ერთი სიტყვით, ჯოხები, ტანსაცმელი, ყურები, თემები და საზოგადოდ ყველა გამოხნიქილი ნაწილები გამოჰყოფდენ ელექტრობას.

აჩქარებით დავტოვეთ მთის წვერი და 100 მეტრით ჩამოვედით ქვევით; რამდენადაც ქვევით ვეშვებოდით, ჩვენი ჯოხების ხმაურობა სუსტდებოდა; ბოლოს იმდენად შემცირდა, რომ ხმის გასაგებად საჭირო იყო ჯოხის ყურთან მიტანა.“

ასე თავდება სოსიურის ამბავი.

(დასასრული ექნება).


თ. ბ.



უპირატო საგზავრო ჩანთა.

ვინც ზაფხულობით აპირებს ბანაკად გასვლას, ან შორს საექსკურსიოდ გამგზავრებას, მის უსათუოდ უნდა ჰქონდეს სამხრეებიანი ტომარა სხვადასხვა საჭირო ნივთების და სანოვაგის ჩასალავებლად.

ამნაირი ტომარა ორნაირად კეთდება. ამ სურათზე № 1 ნაჩვენები ტომარისათვის უნდა აიღოთ მაგარი ფართლის ნაჭერი, სიგრძით 100 სანტ. და სიგანით 55, გაკეცოთ შუაზე (ამ სურათზე ტომარა გაშლილია), გაკეროთ მაგრა ჯერ წაღმა, მერე უკუღმა მაგარი ძაფით, თორემ, ტომარა რომ გაივსება ნივთებით, ან მძიმე რამე თუ ჩადეფით შიგ, შეიძლება გაირღვეს ნაჭერზე.



სურ. 1.


ტომარას უკანა ნახევარზე უნდა მიაკეროთ ნაჭერი, ისე გამოჭრილი, როგორც ნაჩვენებია სურათზე, მხოლოდ შემოქობით და საღილეები გაუკეთოთ. მეორე, მხარეს ღილები უნდა დააკეროთ. შეიძლება აგრეთვე ტომარის უკანა მხარე, ნაჭერის მიკერების მაგიერ, რამოდენიმე სანტიმეტრით უფრო გრძელი გამოსჭრათ.

ტომარის მეორე მხარეს უნდა დააკეროთ ჯიბე, სადაც შეიძლება სხვადასხვა სახელდახელო წვრილმანი რამეები ჩააწყოთ; ჯიბისათვის უნდა გამოსჭრათ 25 სანტ. სიგრძე და 20 ს. სი-

ვანე ნაჭერი, და მიაკეროთ გადმოსახურავი, რომელიც ღილით უნდა იკვრებოდეს, რომ არაფერი ამოვარდეს ჯიბიდან.

როდესაც ამგვარად შეკერილი ტომარა მზად გაქვთ, მაშინ უნდა მიაკე-

როგორც სურათ № 2-ზეა ნაჩვენები. ტომარის ზურგზე მოკიდების დროს ტომარა პირამდის არ უნდა აავსოთ; ლენტისაგან გააკეთებთ მარყუჟს ისე, როგორც ნაჩვენებია მარჯვნივ, და მოუკრავთ თავს ტომარს. ტომარის სი-



სურ. 2.

როთ ორი სამხრე, რომლების საშუალებით შეიძლება ტომარა ზურგზე წამოიკიდოთ. სამხრეები კეთდება იმავე მასალისაგან, რა მასალისაგანაც ტომარა, სიგანით 5 სანტ. გრძელი ლენტები უნდა მიაკეროთ ტომარას შუა ადგილას ორივე ერთად, ან ცალცალკე. ქვედა ბოლოებზე ლენტებს უნდა გაუკეთოთ ხის გათლილი ჯოხები და ტომარის ბოლოზე ორი მიკერებული გრეხილის მარყუჟში გაუყაროთ, როცა ზურგზე მოიკიდებთ. (იხ. სურ. № 1).

მეორე ტომარა კი უფრო მარტივად კეთდება (სურ. № 2.) უნდა შეკეროთ ტომარა ისე, როგორც პირველი, მხოლოდ მთელი ტომარა 10 სანტ. უფრო გრძელი უნდა გამოსჭრათ. ზევითა მხარე უნდა გადაკეცოთ ისე, როგორც ნაჩვენებია პუნქტირით, და შიგ უნდა გაუყაროთ რამე გრეხილი, შეიძლება მსხვილი კანაფიც. ორი სამხრის მაგიერ უნდა გააკეთოთ ერთი გრძელი ლენტი და ბოლოები მიაკეროთ ტომარის ორივე ქვედა კუთხეში,

მძიმე სწევს მარყუჟს და ტომარა არ გაიხსნება.



სურ. 3.



გ ა ს ა რ თ ო ზ ე ზ ი:

შ ა რ ა დ ა.

ყური მომიგდე, პატარავ,
მსურს მოგცე ერთში შარადა:
ყველას ისა აქვს, მით ფიქრობს,
რაც დაღის მთა და ბარადა.

ქვევით ერთ სიტყვას მიუწერ;
ის, აღბათ, ხშირად გსმენია,
ორი ასოა, როს სტირი,
მას გეტყვის დედაშენია...

თავში ორ ასოს მოაგლეჯ
(შარადის დასამატია),

თათრებსა უყვართ სადილად,
მარცვლებით არი—ფანტია.

ქვევით „ე“-ს დასწერ... და ბოლოს
ანბანის პირველ ორ ასოს
უკულმა მოუბოლოებ;
ახლა-კი მორჩა, თუ გახსოვს.

რასაც მიიღებ, ეს სიტყვა
დღეს ხშირად გაგეგონება,
მას ეტრფის მთელი მსოფლიო,
უშის და გლეხის გონება.

გ. რობიტაშვილი



ლიტერატურულ-გეოგრაფიული ამოცანა.


ტ	ი	ხ	ფ	ს	შ	ა	ს	ვ	თ	ყ	ა	ე	ი
ს	რ	ო	ნ	უ	ვ	ი	ე	ლ	თ	ა	ა	ო	ი

მოცემულია 14 სწორკუთხედი და 28 ასო. თვითოეული სწორკუთხედი გაჰყავით შუაში დიაგონალით. მიღებულ სამკუთხედებში გადასხით ასოები ისე, რომ ზევით მიიღოთ ერთ-ერთი დიდი მწერლის ნაწარმოების სახელწოდება და ქვევით მისი ვინაობა.

ნ. ძიძიგური.

ჯადოსნური კვადრატი.


(წარმოდგენილი ნ. ძიძიგურის მიერ)



კვადრატი ABCD, რომელიც შესდგება 9 თანასწორი კვადრატისაგან, შეავსეთ რიცხვებით ისე, რომ თვითეულ კვადრატში იყოს თითო ციფრი 1-დან 9-მდე. ციფრები ისე უნდა დალაგდეს, რომ სიგრძით და სიგანითაც მიიღოთ 15.

როგორ მოვიქცეთ?

ახსნა შესამე ნომერში მოთავსებული ჩინური რკინისგზის.



განათლების სახალხო კომისარიატის სოციალური აღზრდის მთავარ-მართველობის სალიტერატურო-სამხატვრო სექციის ხელმძღვანელობით გამოცემული წიგნების

ს ი ა

1. ნორჩი-ძალა — კრებული	12	კაპ.
2. „ბელა-ბეკეკა“	10	„
3. „დედაბერი, ტურა და მელია კუდი-გძელია“	50	„
4. „ბავშვებს“ — ლექსები გ. ქუჩიშვილისა	20	„
5. „ტყის ზღაპარი“ — მამინ-სიბირიაკისა	20	„
6. „ტყის სურათები“ შიო მღვიმელისა	25	„
7. „ქიანჭველას საოცარი თავგადასავალი“	80	„
8. ქართული მოძრავი თამაშობანი“	80	„
9. „იგავ-არაკები“ ალ. მირიანაშვილისა	30	„
10. „ივანე სულელი“ — ზღაპარი ლ. ტოლსტოისა	15	„
11. „მოძრავი თამაშობანი“ სიმღერებით — გოგლიჩიძისა	1	მან.
12. „ოვდიუსის მეტამორფოზები“ — ალ. მიქაბერიძისა	70	კაპ.
13. „ზამთარი“ — ფერადი სურათებით	50	„
14. „უძველესი დროის ბავშვის თავგადასავალი“	45	„
15. „როგორ იცავენ თავს ცხოველები მტრისაგან“	25	„
16. „გაზაფხული და ზაფხული“	90	„
17. „რას გვიამბობს ოთახი“	20	„
18. „ზღვის სიმდიდრე“	20	„
19. „პატარა იაპონელები“ — ფერადი ყლით	75	„
20. „სიზმრად და ცხადად“	30	„
21. „კოკონთან“ — ჩვენი უფროსი ძმები, ახალგაზრდა კოკავშირელები	10	„
22. „ლენინის საათი სკოლაში“	50	„
23. „ტაივის საუნჯენი“	40	„
24. „კომბლე“ ფერად სურათებიანი წიგნი	65	„
25. პიონერი სოფლად	25	„
26. საბავშვო ბაღი — ფერადი სურათებით	1	მან.
27. ნორჩ პიონერთა თანამგზავრი	20	კაპ.
28. მომღერლები	15	„
29. წელთაღრიცხვის ძველი და ახალი წესი — ჯიშკარიანისა	35	„
30. თინიკოს გამოცანები — ფერადი სურათებით	45	„
31. საბავშვო სახლის ცხოვრებათ	70	„
32. „იყავ მზად“	5	„
33. პატარა ჰოლანდიელები	80	„
34. წითელ კანიანები, — ხლებნიკოვისა თარგ.	55	„
35. ახალი ორთქლმავალის სიმღერა, — თარგ. ი. გრიშაშვილისა	25	„
36. ჩემი პატარა წიგნი, ფერადი სურათებით	50	„



ქვეყნული
ბიბლიოთეკა

გაგორვა 1926 წ. გაგორვა

ერთპოლიტიკური საზოგადოებრივი დასუკათიანული
— შურნალეზი —

მოსრდლილთათვის წითელი სხივი წალიწალი 80-3

მცირეწლოვანთათვის ნაკადული წალიწ. 80-XXII

შურნალის ს. ს. ს. რ. ყველა სკოლებისათვის სავალდებულოა.

დენინის სსხელობის საქარტუელის ბავშთა კომუნისტური ჯგუფების უოველი წევრის, ორგანიზაციის უოველი კოლექტივის, ბავშთა კომუნისტური მოძრაობის თვითუული ხელმძღვანელის, ბიბლიოთეკების და სამკითხველოების ვალდებულე-ბა კამოიწერონ:

„წითელი სხივი“ და „ნაკადული“

ხელის მოწერა მიიღება წლიურად:

„წითელი სხივი“ ბაღავზავნით — 5 მან.
„ნაკადული“ „ 3 მან. 50 კაპ.

სალკე ნომ. „წითელი სხივი“ — 45 კაპ.
„ „ „ნაკადული“ — 35 „

მისაგარტი: ტფილისი, რუსთაველის გამზირი, № 31. განათლების სსხალსო კომისარიატი. „წითელი სხივი“-ს და „ნაკადული“-ს რედაქცია.

რედაქტორი — სარკდაქსიო კოლეგია.